

NDA KAMVWA PELE

LINO NDA BONA

 Amu kkale. Ncibotu kujokela sunumasiku. Lumbide kuti tu jisi coolwe eci alubo lino cakubelekela Mwami. Elyo kumane ku mujata kwa ciindi cilamfu masiku ainda, Nda limvwa kuti inga tii ceelela ku mujata kwa ciindi cilamfu alubo sunumasiku.

² Kusule buyo okuya kuswiilila ku mukwesu wesu ngotubeleka amwi, mu Mwami, oyo wakaboola calino kuzwa ku Indiana, wakakopwa aa ciloto ceenzu. Ta nasikide mu Shreveport, mu buumi bwakwe. Pele wa kalota, busiku bwainda, kuti wa kasika ku Shreveport, kutali kwiinda ku mootokala wakwe. Elyo wa kasika a...na kuboola kubusena bumwi, ku mbungano oko Nkwe kali kukanana. Wa ti, Ne kamana kukambauka a kupailila bantu, kati, “Cintucimwi ciyo citika.” Kati, wa “kali kusule buzuba bwakatobela.” Elyo wa kati, wa “kalibuzi buyake, obo mbobwkali kuboneka.” Kati, “Kwakali ii—kwakali auditoriamu ya dolopo kulanduka kagwagwa, pele teeba kaunka mu auditoriamu.” Kati, “Ya kali ku lubazu olu, mu buyake bwamabwe bwa kajisi cibeela kuli mbubo, alimwi buyake bwaka bambidwe mbuli boobu.” Elyo i—i musankwa ngu simaloto, Nda kabona ziloto zyakwe a kuziba kuti nzya kasimpe.

³ Elyo wa kati—elyo wa kati, “Mpawo mu busiku bwainda” kuti Nda “kali kukanana a kupailila balwazi.” Elyo Nda kati, “Cintucimwi cilaafwi kucitika.” Elyo cakalimywisa mbuli nkwasu ya munzumo.” Elyo kati, “I bantu bakatalika kukwiila.” Elyo kati, “Mbuli munzumo niwa katalika kumwaika, ee,” kati “wa kaba jwi, a kutalika kukanana.” Waamba, “Oko kukanana kwakali kuyabuya, kuti kwiinda ku malatisi aya (mpulungwido kutala okuya) kwakasika Bulemu bwa Leza, kabunjila, mu ciwa ca Musumpululu wa Mulilo.” Tana ubwene Walo. Wa katumvwa kwaambaula makani a Nguwo, pele tana Ubuna Lwakwe. Elyo kati, “Ngooyo We, wakasika kwiinda mu mpulungwido atala mbuli boobo, a kupanga oyo Mumuni mbuli ngo mubona mu cifwanikiso, mpoonya ata lya bbunga awa.” Elyo kati, “Wa kali vulumu cintucimwi.” Elyo kati, Nda “kaima, a kuti, ‘Oyo ngu Jehova Leza.’”

⁴ Elyo kati wa “kaibalusigwa zya (cindi cakuyeeya kujatikizya Nguwo) cindi Musa nakaita i...kagusya bantu kuzwa mu Egepit. Elyo ba kati, ‘Lekela Musa kukanana, elyo kutali Leza, ulabona twafwa.’”

⁵ Wa kati, “Bantubonse bakali lede aa cibuye, maanza abo mujulu, kabakwiila.” Kati wa “kali kukwiila, awalo, ‘Mwami Leza, Nda Ku yanda! Nda Ku yanda!’” Elyo mukaintu wakwe waka muzungaanya a kumu sinsimuna.

⁶ Kumubona kaselemukila mu kazila ndyoonya lino, Mukwesu Jackson, wakaleka kuba mukambausi wa Methodisti. Elyo wa kanyonganisigwa kapati, mane wa ka boola; a kuti cindi na kanjila, wa “kagambwa maningi,” nzila njionya nja ka bubona mu ciloto. Ta ndizi nco caamba. Mwami waka cisisa kuzwa kuli ndime. Pele cintucimwi inga cacitika, mukubona Mukwesu Jackson eco ncakalota, kumuziba mbuli muntu, wini-wini uusyomeka, mulanda wa Leza.

⁷ Elyo Ndi—Ndi li muzi mukulota ziloto, kaboola kuli ndime, alimwi Mwami wakandipa bupanduluzi, inga calondoka buyo mbuli booboo. Nekuba ku, ciindi cimwi, kuunka kwangu ku Arizona, wa kajisi ciloto nca nkuko.

⁸ Elyo uli nyongene kapati. Uli antomwe a mukaintu wakwe, wa muleta. Ula ngilwa kuba muntu cakufwambaana, alimwi nzila biyo nja kali kukonzya kuunka yakali ya kubelesya ndeke. Ta kajisi sheleni zya kubelesya kusika, nkabela muntuumwi wakamupa mali. Elyo aboobo caka baanga cabeleka munzila yamaseseke, kutegwa cintucimwi cicitike; tulangila obo. Ta tuzi ncobeni eco Mwami ncayo tubambilia.

⁹ Lino, tuli lumbide ku Mwami ku kupona mu buzuba obo mbo tuponamo, kakutaninga buyo kuba kuboola kwa Jesu. Mboli Mbwe kaamba kale, nciindi cilemu maningi ca makani akale oonse. Inga ndasala kupona lino awa kwiinda ciindi cimbi, ku...aa nyika.

¹⁰ Nda bona awa kumbele lyesu, alubo sunumasiku, mulongwe wangu mubotu, Mukwesu Dauch. Nda mudomona mu auditoriamu cifumo cino. Mukwesu Dauch ula myaka ili makumi alifuka ayotatwe yakukomena sunu, obo mbo cilelekedwe. Ula gwasilisyia mu buumi bwakwe bwamoongole ku bulema a kulumbaizya Leza, makumi alifuka ayotatwe sunu. “Lukkomano Kubuzubabwakuzyalwa” kuli nduwe, mukwesu wangu! Elyo Ndi lizi anze, anselelo, koonse ku cisi oko nkoba swiili kaupepele sunumasiku, abalo balombozya Mukwesu Bill Dauch, “Lukkomano Kubuzubabwakuzyalwa.” Walo mulongwe maningi wamunsi kuli Oral Roberts, abanji, waka gwasilizya banji loko mu nzila ya Makanimabotu, a zintuzyoonse. Mulongwe wesu mulemu.

¹¹ Botelwa kubona Mukwesu Mann okuno, uumbi mukambausi wa Methodisti, waka futulwa akubizigwa Muuya Uusalala, a mu Zina lya Jesu Kristo, uukkede awa. Ngu, awalo, umwi wa basimilomo besu uzwa ku Indiana. Alimwi Ndi mvwa kuti Mukwesu Hickerson uli kkede kumbali lyakwe, umwi wa bamadaikona besu uuzwa ku Jeffersonville, Indiana (bala

swiilila ku kapelele kutala okuya sunumasiku). Alimwi Ndi mvwa kuti Mukwesu Wheeler umwi wa bamadaikona umbi mpali abusenabumwi. Elyo Nse—Nse na mujana mpabede pe, muntuumwi utondeka minwe yakwe okuya nkabela Nda mujata kwainda kaindi; ukkede okuya, nzila okuya ku lulyo, iiyi.

Mukwesu Banks Wood, ikuti na ulaswiilila ku kapepele sunumasiku, munyoko wakaliokuno busiku bwainda. Nda kamubona mbuli Mbwa kali kuzwa, Mukwesu Lyle. Kamboni wa Jehova; nkamu yoonse yakasanduka. Lyle wakaletwa mukati nkaambo ka cilengaano ca Mwami.

¹² Lyle wakali kkede mu bwaato okuya buzuba obo, cindi buzuba abutanaba na kaambilwa kuti “cintucimwi” cakali “kuyo citika kujatikizya bubuke bwa buumi.” Wa kali Kamboni wini wa Jehova, awalo! Pele cifumo eco, kakkede alya, kazela nswi, nkabela wa kaca... Ee, wa kajisi mupati, ncobeni cansiku (eco nciyanda cina Kentucky, nywebo mulizi)... kalobo kapati nkabela nswi, niini loko ya kakamena. Elyo wa kasomona buyo malakavwiya, zyamukati a zyoonse anze, waka isowela aa maanzi (nswi, niini iyandisya zuba), elyo wa kati, “Ee, okantu kaniini, wa uma kasinsyo kako kamamanino.” I niini... kaipapalika aatala lya maanzi akufwa, muuwo waka katontela ku ciziba ca mpana.

¹³ Elyo buzuba kabutaninga, nkekke, Nda kati, “I Muuya Uusalala undaambila kuti ‘kuyooba bubuke bwa cilenge cimwi ciniini.’ Antela, kuyooba ii—ii kaaze, cindi Nda akujoka ku muunzi, nkaambo buyo...”

¹⁴ Cindi ni twa kali kusola kusya banamola, Mukwesu Wood a Ndime, oyo uswiilila ku kapepela sunumasiku, musimbi wangu muniini uuli mwanakazi mukubusyi uukkede awa, utangidwe kuli oyu silumamba jompoompo. Mboli ba... Wa kaboola, waa kati, “Taata...” Walo a musimbi umbi muniini, kati, “Tu...” Lino, kufumbwa mutnu inga waba musyobo umwi wa civubwa ca misaala nca yanda, pele masimpe Nse yandi mboli kaaze pe, aboobo waa...na taakwe Branham. Aboobo tu...waa kati, “Oh, twa kajana kaaze wansiku utakweankwaya awa, Taata. Ka—ka—ka lya cintucimwi alimwi ka... muntuumwi wakabikila musamu, ka kaulya.” Kati, “Taata, kala fwa cakufwambaana, sa inga twa jana kabbokesi kaniini a kukabikka mazuba masyoonto?”

¹⁵ Nda kati, “Andi mubone kaaze.” Ee, ba kaunka akuleta kaaze. Nda kabona eco cakali kuyo citika, aboobo amukape kabbokesi. Elyo cifumo cakatobel, kwakali tukkiti twana tutandila ku ciloba na lusele okuya, nywebo mulizi. Aboobo musankwa wangu muniini, Joe, waka bweza kamwi ka ntuto, a kukasina a kukalosezya aansi. elyo buyo—buyo...kantu kaniini kakalala alya kakapupulika koonse a koons, ka kajaya.

¹⁶ Elyo Nda kati ku Mukwesu Lyle, munyina, Nda kati, “Yebo ulizi, kwayanda kakkiti ako kaniini kayo busigwa, mbuli mbo twa kabona Mwami kacita zintu.”

¹⁷ Mukwesu Lyle, mupya buyo munzila. I Muuya Uusalaa wakazwaa kumwaambila kuti wa kali kwete, a ceeeo nca kacita, a bubii mbwa kacitide, azintu nzya kacicitide. Ee, wa kayeeya kuti Mukwesu Banks wakali kundaambila zintu ezyo. Pele cindi ni Ca muyutulula nconzyo, a kumwaambila eco nca kacita busiku obo kabutanaba, eco cakali—eco cakali ciyumu maningi kuli nguwe. Ta kakonzya kucimvwisyia.

¹⁸ Mpawo, cifumo cakatobela . . . Kuciindi twa kazela busiku boonse, a nswi niini, twa kali kujata tumwi kuba banamola. Pele wa kawaala buyo nswi eyo niini mu maanzi, yaka gwinyagwinya, akulileka atala. Kutandila cisela caora kwiinde ceeeo twa kali kkede awo, elyo Nda kali . . . Nda kati, “Mukwesu Lyle, wa lekela nswi kumena kalobo lweendoloonse mu mwida lya njiyo. Mwabona?” Nda kati, “Bweza ntambo ya kukwepupuya awa, kukakwepwida okuya, namola kazwide mbuli obo; ya kajaya biyo,” Nda kati, “mpawo koiyatilila a akwileta mukati.” Nda kati, “Wa . . . uta mukweli booboo, tau meni, kojata nswi.”

¹⁹ Wa kati, “Ee . . .” Wa kajisi ntambo, mpati yensiku kailengelela okuya, kati, “Eyi nje nzila njo tucita,” mbuli booboo.

²⁰ Aboobo, kutandila biyo ciindi eco, Nda kamvwa Cintucimwi kaciseluka kuzwa atala lya mulundu kutala okuya, kambizi, kakapepela kuzunguluka a kuzunguluka. Ngooyu Wa kasika ansi mbuli booboo, elyo Muuya wa Leza wakasika atala lya bwaato, kati, “Koimikila ku matende ako.” Kati, “Kanana ku nswi eyo iifwide. Koamba, ‘Nda kujosezya buumi bwako.’”

²¹ Elyo nswi eyo niini yakali lede awo kwa cisela caora, a zyamukati zyayo mu mulomo wayo, a malakazwiya ayo. Nda kati, “Onswi Niini, Jesu Kristo wakujosezya buumi bwako. Kopona, mu Zina lya Jesu Kristo.” Yakalileka kusule kwayo, elyo yaka selemukila mu maanzi njeeyo yaunka canguzu mbuli mboya kali kukonzya.

²² Mukwesu Lyle, sena mpoli abusena bumwi? Nda—Nda kakubona busiku bwainda. Naa uli mukati, naanje, na mpaali mpabede, tambika janza lyako kuteegwa Nku bone. [Umwi mu mbunga wati, “Bbalukoni.”—Mul.] Waamba nzi? Mu bba- . . . Oh, iifyi, kutala mu bbalukoni, kwiinda ku mpulungwido kusule okuya. Oyo ngo mwaalumi, Kamboni wa Jehova.

²³ Wa kati, “Mukwesu Branham!” Wa kabotelwa loko, wa kati, “Uh, nci—nci botu kuba kokuno. Embo na?” Wa kati, “Uh—uh, sa ula—sa ula . . . Uh, sena ueeeya kuti eco cali kwaamba ndime, eco—eco—eco, eco nce Nda ita eyo nswi niini, kati, ‘Wa uma kasinsyo kako kamamanino?’” Kati, “Eco—eco—eco cali kwaamba cintucimwi cangu na?”

²⁴ Nda kati, "Nee, nee, nkusimpikizya buyo." Wa kali nyongene koonse kujatikizya njiyo.

²⁵ Ee, twa keenda antomwe nkabela ula bona zintu ezyo kazicitika, mukuziba...Lino, amuyeeye buyo, ino cakali caku tondeeyza nzi? Nda kajisi bana banji baniini baka jisi cilwazi cakuganyuka mu mulongo wangu wa mipailo, ku pailila ncico, pele ciindi cilengaano nicakasika cakali nswi niimi yensiku iitandila kulampa boobu, kutandila mainci obilo kulampa na otatwe. Kwakalibonya mbuli kuti kalobo kakuli kapati mbuli nswi. Pele cakali canzi, cakali ku kutondezya kuti Leza ulalanga ku zintu ziniini azyal. Mwabona?

²⁶ Buzuba bumwi cindi basicinsenda nibakali kwaalabana mu cisi coonse, Wa kabelesya nguzu Zyakwe a kubikka lutuko aa cisamu. Ca katalika kuyuma, kakuli kwakali bantu bakali kwaalabana koonse kuyandikana nguzu ziponya. Pele, nywebo mwabona, Wa kali kuyanda kutondezya kuti Ngu Leza weendelezya zyoonse, naa nciniini, na ncipati, kufumbwa mbocibede. Ucili Leza weendelezya zintu zyoonse, bulenge boonse. Aboobo tula Mu yanda nkaambo...Eco–eco citupa kuziba kuteeti, ikuti na Ula bikkila maanu kukanana Ijwi lya buumi mu nswi niini iitakweankoiya kailede cakufwa, aa maanzi kwa cisela caora, Ula konzya ncobeni buzubabumwi ku kanana Buumi mu bana Bakwe. Takukwe makani na mibili wako waba biyo mbuli suko likkwana muli conco, Uyo kananan, nkabela tuyu Mu vviila buzubabumwi. Ngu Leza Oyo ubikkila maanu mu zintuzyonse, zyoonse nzo tucita, zyoonse nzyo twaamba, zintuzyonse. Ula bikkila maanu.

Lino atu kotamike mitwe yesu, koonse.

²⁷ Nda libuzya lino, attaninga kupaila, ikuti na kuli umwi sunumasiku ubikkilide maanu muli Nguwe, pele nekubaboobo tojisi kuyobozya kwako kubambidwe ku Nyika imbi oko nko tuyu Mu bona. Yebo uli, to konzyi kunjila kakutakwe kuyobozya. Elyo tona kubambya pe, pele uyanda kwiibalukwa mu mupailo lino, kutegwa zintuzyonse zilulamikwe akati ka nduwe a Leza sunumasiku, walombwa utambike buyo janza lyako; yebo ulati, "Ko ndiibaluka, Mwami"? Uli...ko Mu lekela buyo Abone janza lyako. Leza, ko cipa.

²⁸ Taata Wakujulu, mbuli mbo twaima sunumasiku akati ka baumi a bafu; a zintu ezi zicitika mu mazuba aya, zyamaseseke, masimpe nzyamaseseke; pele Leza, Yebo ulizi naa nzya kasimpe na pe, Uli Mubetesu usinizizye wa majulu a nyika. Alimwi twaamba ceeci, Mwami, kuyumyayumya buyo bantu (zimwi zintu ezyo Nzo ka tutondezya), kutegwa inga bayumizigwa kukuyanda Nduwe a kusyoma Nduwe, kubelekela Nduwe, alimwi kuziba kuti takukwe makani ncito mboili niini, mbotu na mbi, Ula ibona. Nda komba, oyandwa Leza, kuti Uyo longezya maanza ayo oonse sunumasiku, a buntu a muuya oyo wabusya

janza kuya mujulu. Alimwi Nda lomba, Leza, kuti obu buyooba busiku bwakuti kuyobozya kwabo kuyo bambwa ku Nyika eyo mutala a mulonga. Ko cipa.

²⁹ Koponya balwazi a bapengede, Mwami, kobilo awa, boonse ku cisi mbocizulwa oko i—i—i sikapepele kwiinda mu mafoonali mukunjila. Longezya abo kumasesa batana futulwa, lweendo loonse kuzwa ku California kusikaku New York, kuzwa ku Canada kusikaku Mexico. Kocipa, Mwami, kuti muntu oonse uli kunsi lya kumvwika kwa jwi lyesu, sunumasiku, aka futulwe kuzwa zibi zyakwe, kuponesegwa ku malwazi akwe, nkaambo ka Busyu Bwako Bwabuleza.

³⁰ Alimwi oyu Mukwesu wesu Jackson, oyo wauluka lweendo loonse kuselemukila awa aya mamaile ali cuulu, kuba kookuno nkaambo cintucimwi caka kopa moyo wakwe; “Elyo bayo lota ziloto, a kubona zilengaano.” Oyandwa Leza, Wa cisisa kuli ndime, eco nco caamba; Ta ndizi. Pele ikuti Ula tuswaya, Mwami, bamba myoyo yesu lino ku kuswaigwa oko. Kutegwa inga twaba kunsi lya bulangizi, mukutaziba eco Ncoya kucita, a kutaziba ikuti na Wa syomezya ku tuswaya kwiinda ku ciloto eci; ta tuzyi. Pele swoebu tu—tu baluluba buyo zintu ezyo nzo tumvwisya, kuti Wa kasyomezya kuswaya bantu Bako, nkabela twa lomba kuti Uyo libamba kasimpe Lwako kuli ndiswe ano. Mu Zina lya Jesu Kristo twa cikumbila. Ameni.

³¹ Lino, sunumasiku, kumane kumujata kwa ciindi cilamfu busiku bwainda alimwi cifumo cino, nkabela Nda baanga ndaanga jwi aniini. Ndi jisi kabeela ka masusu Nke jisi, Nda kabikka mbali ya lubala lwangu *awa* cindi Ne kambauka. Pele Nda kakaluba ciindi eci, alimwi luwo olu, lufumpa kwiinda mu mupulungwido ezi, katalika kundipa ii—ii kwaanga jwi aniini. Nda kali ku... Nda kali kunga ndajala miswaangano, pele kuzwida eelyo Nda kajana kako, mpawo Nse pengani limbi andulo, Ndi zumanana buyo. Elyo Nda kaluba, alimwi kali... Ndi jisi... kubaanga nkukamvwa, aboobo mipailo yanu iyo lumbwa. Elyo lino, oko nkuswaangana kobilo a buzuba, kuteetui ali... baanga nku jana... Nywebo mulizi, cindi wano jisi mamaile manji, ci... inga wa ciziba.

³² Aboobo lino kuli ndiywe nobantu mu California a okuya mu Arizona, toonse twa tuma njuzyo ku cisi coonse. Mukwesu Leo a nkamu eyo ilindila kuboola kwa Mwami kutala ku Prescott, mwatambwa lino a nyoonse nobantu ku Phoenix koonse, mvwiki kuzwida sunumasiku, twe elede kuba okuya mu Yuma ku cipobwe. Ba kasambala kale oonse matiketi abo okuya kujana auditoriamu mpati maningi, nkabela taba konzyi kubikka bantu. Aboobo mufume maningi, nywebo nyoonse, ku—ku kunjila. Mpawo tuyu zumanana mu Los Angeles kuzwa kokuya, Muvulo ucilila... Munsono mucilila, masiku Munsono. Elyo aboobao tulangila ku mubona nyoonse okuya. Zilongezyo zyabuvubi zya Leza ziba ali ndinywe nyoonse.

³³ Kuli ndinywe mu New York, anywebo beengelede kutala mu Ohio a masena aindene, calino Ndi yanda kuyo kambauka Mulumbe wa *I Mukondo Wa Nzoka* (munyama ku matalikilo, a munyama ku mamanino), ku cikombelo. Billy uyo mutumina tugwalo twa ceeco, cindi twa kuyanda kuukanana, nkambo Nda cita eci mu Cikombelo nkaambo ciyo, okuceya, kulampa maora one na kwiinda.

³⁴ Aboobo lino... Aboobo Ndi yanda kuba okuno, okuno alimwi kufumbwa nkomubede lino, amu vunune ku Bbuku lya Jobu. Bbuku ligambya maningi ku kambaukila, pele Ndi yanda kubelesya buyo bulembu busyoonto awa lino.

³⁵ Elyo mpawo, cifumo juunza, okuno ku cikombelo, kuyooba kuswaangana kwa Kwiya Munsono ku... Tuyo talika ciindi nzi? [I muntu wati, “Naini theeti.”—Mul.] Naini theeti. Elyo mpawo Ndi jisi coolwe ca kukanana okuno alubo juunza. Elyo na Mwami wayanda, Ndali kuyanda kukananan a ciiyo... ikuti na Ula yanda, lino, mbuli Mbweli kubala masikati aya, ku mutondezya kuti, “Kuli biyo busena bomwe obo Leza mbwayo swaana mukombi.” Uh-huh, biyo... Elyo—elyo nkonzya kumwaambila busena obo pobubede, a Zina lya busena obo mpoli bede, awo Leza mpayo swaanina mukombi.

³⁶ Elyo mpawo, juunza masiku, Njo lomba luzyalo, nkuti, lwa mulimo wa kuponesegwa. Elyo Ndi—Ndi yanda mulimo wa kuponesegwa waciyanza cakale. Elyo ikuti na Mwami ulayanda, Ndi yanda kukanana a ciiyo eco candilibilisya sunu... Cindi Mukwesu Moore a Ndime ni twali kwaambaula antoomwe, bakwesu bayandisi, twa kubandika Magwalo. A mbo cakali eibotu kuba a bakwesu, mbuli ziindi zyakaindi. Elyo wa kati, “Yebo ulizi, Mukwesu Branham, koonse kkambauka nko kasola ku tucitura okuno ku Shreveport, *I Kabelele A Nziba* wa kali umwi wa milumbe miyandisi kapati ngo katuletelia lyonse okuno ku Shreveport.” Kati, “Ndi yeeyela kuti a Mulumbe uminya loko kuli nduwe sunu, to kajani omwe mbuli oyo.”

³⁷ “Cindi Nda impya Oyo, Nda impya Mulumbe wangu.” Luyandisyo ngu lwangu...

Kabelele ulimukufwa Uyandwa, Bulowa
Bwako buyandika
Tabu sweekelwi nguzu zya Mbubo,
Mane boonse ba Mbungano ya Leza
yanununwa
I futulwe, iita bisya limbi.

Kuzwida eelyo ku lusyomo, Nda kabona
kalonga ako
ziyaso Zyako kazikunka kupa,
Luyando lunununa lwa li mwaambo wangu,
Elyo luyooba mane Nka fwe.

³⁸ Juunza masiku, ikuti na lunooli luyando lwa Mwami, Ndi yanda kuyo kambauka aa ciiyo ca: *Aa Mababa A Nziba Aatuba Mbuli Caanda*. Juunza masiku, “I Mwami kaselukila a mababa aa Nziba,” nkuti, ikuti na Mwami wayanda, jwi lyangu lita kabiji maningi. Lino . . . aboobo amu tupailile.

³⁹ Elyo mpawo Ndi yanda kuyooba mulimo wa mipailo waciyanza cakaindi mbuli ngo twa kajisi kumatalikilo, kwiina kutweluka, kupa buyo bantubonse makkadi abo bayanda ku paililwa. Lino, weelete kuba a kkadi, aboobo koba okuno cakufwambaaana kutegwa Billy wakonzya kukupa kkadi akulibamba ku kundandama mu mundando. Ikuti na to citi boobo, bantu bazumanana buyo kuvulisy a kuvulisy kusule, akuvulisy kusule, nkabela kwiina magolelo ku mundando. Uli oonse inga watambula kkadi. Ndi yanda Mukwesu Jack kwiima munsi lyangu ku mundando wa mipailo, mbuli mbo kali kucita, a Mukwesu Brown kukuleta bantu kuli ndime mibusena bwa Billy Paul. Ndi—Ndi—Ndi—Ndi yanda—Ndi yanda mundando wa mipailo waciyanza cakaindi, nkabela tuyu paila buyo nzila mbo twakali kucita myaka yaainda.

⁴⁰ Ndili kkomene sunumasiku kuba a mukwesu similimoma a ndiswe, langa buyo koonse a kuziba mpawo a kumu bona, maminiti masyonto ainda, Mukwesu Gordon Lindsay. Ngu umwi wa basikale, wakali andiswe kwa ciindi cilamfu cakainda. Ulimukucita ncito mpati, kupulinta, uli mukupulinta bbuku lyangu lino: *I—I Makkalo Aambungano Aliciloba*. Tu langila kuba andilyo kubambwa alubo, *I Zinamatizyo Zili Ciloba*. Ikuti na acitike kubala eelyo katana kulipulinta, tuyoooba a mubandi wa lwiiyo lwabukombi. Nda konzya kukumvwa kuti kulasika. Pele ulizi Nseli silwiyo lwabukombi. Aboobo . . . Ee, tu langila kumbele juunza masiku. Ikuti na unoliko, Mukwesu Lindsay, kabe okuno juunza masiku. Ikuti na unoliko, kaswaya a kuba a ndiswe aa cibumbili ku muswaangano wa mipailo waciyanza cakaindi.

⁴¹ Mbangaye bayanda kubona umwi wa basikale alubo, oko nko tuleta bantu? Koonse kuli kabotu. Lino, amulete balwazi a bapengede banu, juunza masiku, ku bukanze obo kai.

⁴² Lino, ikuti ujisi Bbuku lya Jobu, kampango 42 . . . na cipati 42, a tumpango tutaanzi tuli cisambomwe twa cipati 42 ca Jobu; cigambya maningi. Mukwesu Ted Dudley, ikuti na ulaswiilila ku kapepele sunumasiku, okuya mu Phoenix, ulayeeya na yebo a Ndime ka twaambaula ciindi cimwi, kutandila mwiki na zyobilo zyainda, nkabela twa katondeka kuli ceeci? Nda kakwambila kuti, “Buzubabumwi ciyooba cibalo kuli ndime.” Elyo Ndi yanda kucibelesya sunumasiku.

Mpawo wakavviila . . .

Mpawo Jobu wakavviila Mwami, a kuti,

Amu swiilile kabotu ku kubala oku lino.

Ndi lizi kuti ulakonzya kucita zintu zyoonse, alimwi kwiiina kuzumbauzya zikonzya kusiswa kuli nduwe.

Nguni oyo usisa lulayo kakutakwe luzibo? nkikaako Nda kaamba eco Nce takamvwiwisa; zintu zibotu loko kuli ndime, ezyo Nze takazi.

Komvwa, Nda kulomba, nkabela Nda kanana: Njo lombelela kuli nduwe, nkabela lungulula kuli ndime.

Nda kamvwa kwa nduwe ku kumvwa kwa matwi: pele lino meso angu aku bona.

Nkaako Nda lilesya lwangu, a kweempwa mu suko a tue.

⁴³ Lino Ndi yanda kubweza cibalo kuzwa ku kampango ka 5.

Nda kamvwa kwa nduwe ku kumvwa kwa matwi: pele lino liso lyangu lya ku bona.

Akube kuti Mwami alongezye Ijwi Lyakwe.

⁴⁴ Jobu, atu bweze buumi bwakwe buubauba. Jobu wakali musinsimi. Wa kali muntu wakapona kaindi Bbaibbele kalitaninga lembwa. Kwa kayeeyelwa kuti Jobu lyakali limwi lya Mabbuku akale maningi amu Bbaibbele, nkaambo Lyakalembwa lya Matalikilo kalitaninga kulembwa. Jobu, oyu silumamba mupati a musinsimi, wakali ii–ii muntu singuzu mu buzuba bwakwe. Taakwe kuzumbauzya kuti wa kakomezegwa a kubelekela Mwami buumi bwakwe boonse. A kupona buumi bwacamba mbuli obo ku bantu, boonse bakali kumulemeka.

⁴⁵ Pele wa kasika ku busena oko nkwaita awa kuti, ku *tepaulwa* ku Mwami. Pele Ndi yanda kubeleysa bbala, kuba a “kusolekwa” ku Mwami. Elyo nincobeni, “Oonse mwana uboola kuli Leza weelede kusolekwa, kusunkwa, mwana wakaiisigwa.” Elyo mpawo ikuti na kusolekwa kwayuma, elyo twa yeeya kuti nciyumu kapati nkabela taka swilili (kupakamana), mpawo Wa kati “tuba bana bamusokwe, a kutali bana ba Leza.” Nkaambo, taakwe cikonzya kuzungaanya mwana, wa Leza wini wakazyalululwa kuzwa ku Muzyali wakwe, mwabona, walo ncibeela Cakwe. Inga toli kaka buya, inga walikaka omwini. Mwabona, wa kajisi lujano, wa kayiisigwa a kusolekwa.

⁴⁶ Elyo lino, oyu muntu mukuba musinsimi, wa kajisi nzila ku luzyalo lwa Leza, pele Jobu tako jisi Bbaibbele lyakubala. Wa... Bbaibbele teelya kalina lembwa kaindi, pele wa kajisi nzila kuli Leza kwiinda ku ciyubunuzyo a kwiinda ku cilengaano. Eco cakali cindi Bbaibbele kalitana lembwa.

⁴⁷ Lino, tula jana, a kuzwa buumi bwakwe bumwi, cindi Leza naka mulongezya a kumubamba kuba muntu mulemu. Baa, nobaba bantubonse baka mulemeka, nokuba ku busongo bwakwe, wakali mulemu loko. Bunanike bwakwe kuzwa kuli Leza bwaka simpikizya kuti wakali mulanda wa Leza, cantangalala loko, kusikila bantu bakazwa koonse kuzo

mumvwa. Elyo mpawo Saatani wakatalika kutamikizya muntu oyo. Eyo nje nzila nja cita mulanda wa Leza oonse unanikidwe, Saatani lyonse wakaliko okuya ku kumutamikizya zintuzyonse ezyo nzyakacita zitaluzi.

⁴⁸ Elyo, lino, tu jana kuti buumi a masukusyo akwe a lusyomo lwakwe lupati. Nekuba Jesu, cindi Na kasika aa nyika, Wa katondeka ku lukakatilo lwa Jobu. Wa kati, “Sa tamuna bala zya lukakatilo lwa Jobu?” Lusyomo ula lindila antomwe a lukakatilo ku Ijwi lyaka syomezegwa ku kuzulizingwa.

⁴⁹ Lino, tula bona awa kuti Jobu, na kamana kwiinda mu masukusyo akwe, mafwabi akwe oonse... Wa kajisi mukwasyi muboto, baka nyanzigwa kuli nguwe. Wa kajisi nseba mbotu, yaka nyanzigwa kuli nguwe. Zintuzyonse nzya kajisi mu buumi obu zya katolwa. Alimwi wa kakkala acilwi catwe, kajisi lukaye, kakumba zyuute zyakwe. Alimwi nekuba ku mukaintu wakwe wini, waka mulwana, waa kati, “Nkaambonzi to singanyi Leza, nkabela ufwe?”

⁵⁰ Wa kati, “Yebo waamba mbuli mwanakazi mufuba.” Wa kati, “I Mwami wakapa, alimwi Mwami wakanyanzya, lilongezegwe Zina lya Mwami!”

⁵¹ Lino, Saatani wakaboola kumbele lya Leza, nkaambo wakali kunga wasika kumele lya Leza, a kutamikizya Banakristo (na, basyomi) ciindi coonse. Aboobo a katamikizya Jobu zintu zinji, a kuti, “Jobu, kaambo ncakali kukonzya kubelekela Leza, nkaambo zintuzyonse zyakali kuzwidilila kuli nguwe.” Pele kati, “Ikuti na undilekele kumujata, mu maanza angu, uyo Ku singanya ku meso Ako.”

⁵² Ndi yanda kuti mulangisye ako kaanzambwene Leza nka kajisi mu musyomi. Mwabona? Uli... Mu majwi ambi, Leza wakaambil Jobu... na kati kuli Saatani, mbuli boobu, “To konzyi kucicita! Walo muntu buyo ululamikidwe. Walo muntu uli kabotu. Walo... takukwe omwe mbuli nguwe mu nyika yoonse.” O ino muntu; cakuti Leza Mwini inga waamba kuli sinkondo Wakwe, “Mulanda wangu ulilondokede kapati, takukwe umbi muntu aa nyika mbuli nguwe.” Oh! Ikuti na twa konzya biyo kuba musyobo wa muntu! Cakuti Leza wakonzya kubikka ako kaanzambwene ali ndiswe! Ca kuziba kuti ta tukanyoni kuzwa ku Ijwi Lyakwe na Cilenge Cakwe, nzila imwi! Kukkala mbubonya, alimwi Wa konzya kubikka kusyoma Kwakwe muli ndiswe.

⁵³ Lino, Jobu wakali muntu wakakutauka milao ya Leza mbuli mbo kwakeelede, mbubonya. Elyo Saatani wakalizi obo, pele wa kati, “Ikuti na Wa muleka ndimu jate, Njo mubamba kusinganya Nduwe ku meso Ako.”

⁵⁴ Aboobo Leza waa mwaambil, Wa kati, “Lino, uli mu maanza aka, pele uta mujayi.” Elyo Saatani awalo wakatandabika kuciimo nkvakali kukonzya kucita eco. Wa

nyanzya beenzinyina boonse, zintuzyonse nzya kajisi, kutandila buumi bwakwe kumaninina, pele ta kakonzya kumujaya. Pele Jobu waka cili jatide nconzyo, kwakanyina kubweeda musule.

⁵⁵ Nywebo mwabona, cindi mwaalumi na muntu lomwe aswaangana kasimpe a Leza, a lusyomo olo, lwini lwakayubununwa kuti “Leza mpali!” Takukwe cintu, kwiina ciindi, alionse, cikonzya kusola kwaandaanya muntu oyo kuzwa kuli Leza wakwe. Nda syoma wakali Paulo wakati, “Takukwe nzwango, kwiina nzala, kwiima mapenzi, naanka zilenge zipona, na lufu, na kufumbwa cintu eco cikonzya ku twandaanya kuzwa ku luyandisyo lwa Leza luli muli Kristo Jesu.” Wa simpwa cakukwabililwa muli Nguwe nkaambo wakali kasilidwe ku Buumi obo.

⁵⁶ Pele Saatani wakayeeya kuti wa kali konzya ku munyonauna koonse aniini, aku mwaanga, a kumubamba kucicita. Pele, ywebo mwabona, Jobu a ciyubunuzyo cakwe cilondokede cizwa kwa Leza, a Oyo Leza mbwakabede, a nzila Leza mbwa kamuyanda, wa kalindila! Kwakanyina makani ciimo mbo cakabede, wa kalindila lusyomo lwakwe kuti lusimpikizigwe, nkaambo wa ka jisi kutoma aali Leza, a ciyubunuzyo. Eco Nce kakanana busiku bwainda.

⁵⁷ Lino, cindi bantu baciswa bali mu buyake, bantu balema, na yebo ojisi kubula kwa Leza, cindi wakonzya kujana musyobo wa ciyubunuzyo eco wa “lulamikwa,” cindi wa lulamikiwa ncobeni mu kulomba cintu eco neco lombela, a kusyoma kuti “Ngu sikulubula wa baabo ba Mu yandaula moyo wabo oonse,” kwiina cintu cikonzya kusola ku kwandaanya kwa ku lusyomo olo lusimpidwe kuli nduwe. Mwabona? Pele, luyaanza, ceelede kuyubununwa kuli nduwe.

⁵⁸ Umwi wakasika ciindi citali cilamfu cakainda, nkamu ya baalumi, bamwi babo bala swiilila ku kapepele sunumasiku, aku ndaambila, kati... Nda kazumanana kubaambila, “Kamuya ku Kentucky, oilo nkoili kumusanza okuya.” Nda kalizi kuti wakaliko, Nda aubona mu cilengaano.

⁵⁹ Ee, Mukwesu Demos abamwi teeba kainka kwa ciindi cilamfu. Nikwakainda kaindi, kumalekelo, ba kati... Kumane Texas kunjila mumo. Elyo ba kati, “Lino tuyu kumusanza.”

⁶⁰ Nda kati, “Mwa keelede ka mwiinkide kale kwa ciindi cilamfu.” Pele teeba kcicita.

⁶¹ Demos wakati, “Nda kalubizya kapati muli ceeco, ku kutacita ceeco, Mukwesu Branham.”

⁶² Nda kati, “Ni mwakainka kumusanza okuya, ni mwaka ujana oonse.”

⁶³ Ee, Tiiba kaswilila kuli ncico. Mpawo lutaanzi...mpawo katutaninga kuzwa busiku obo...I—i busena nko twakali kulida cisisulo. I Muuya Uusalala wakandi tondezya lwaanzi lupati mu

nyika, alimwi muli olo mwakazwide oilo, alimwi oyu ukunka mu Kentucky masena buyo maniini aa oilo ngo bakali kupompa kuzwa, pele umwi oyu wakali kuzwa ku kalonga keni. Elyo Nda kati, "Mukwesu Demos, ngooyo we."

⁶⁴ Aboobo ba kaunka kuyo uyandaula. Kati, "Koya kumusanza akuyo twaambila awo i—awo mugodi wa oilo mpoubede."

⁶⁵ Nda kati, "Oh, peepe! Peepe! Peepe!"

⁶⁶ Mwabona, ta tubelesyi cipego ca Leza kumpindu pe. Peepe! Peepe! Inga na kandaambila owo mpowa kabede, pele Nse yandikani pe. Inga nseba a lusyomo lukubwene lwaku Mu lomba. Mwabona? Ikuti na Nda kali kuuyanda, Nda syoma ikuti Ne ka Mu lomba, Na kandaambila. Pele lutaanzi, nywebo mwabona, twaambo a makanze eelede kululama. We elede kuba akaambo kuli ceeci. Leza takupi zintu ezyo nkaambo buyo kakuti walomba. Alimwi to konzyi kulomba mu lusyomo citakuti kuli bukanze buluzi kuli ceeco, koba mu luyando lwa Leza. Mwabona, ikuti na uyanda kuba kabotu, nkaambo nzi ncoyandila kuba kabotu? Mwabona, ikuti na uyanda kuponesegwa, nkaambo nzi ncoyandila kuponesegwa? Ncinzi ncambila Leza? Ncinzi ncoyanda kucita a buumi bwako cindi waponesegwa? Mwabona, kweelede kuba... weeblede kuba kaambo a bukanze, alimwi zyelede kululama kweendelana a luyando lwa Leza. Elyo mpawo cindi lusyomo lwayubununwa kui nduwe, alimwi Leza ku luzyalo Lwakwe lupatikampatila wabikka lusyomo olomukati omuya, nkokuti kwamana. Mwabona? Lino mwabona?

⁶⁷ Lino, kubamba eelyo Ijwi kuba kasimpe, cindi bakwesu niba kaselemukila okuya, ba kajana...mulombwana umwi wakaunka akuula cikama ca zintu, a kusambala maliizi, a kucenga umwi umbi nzila eyo. Nda kati, "Nywebo mwabona, ta cikabeleki." Lino kubamba buyo *cisinsimi* kuba cakasimpe, mu mayaadi ali myaanda awo baalumi aba mpo bakali kusya mugodi wabo, muntu umwi waka donkola kupoomoka kunji. Elyo ngooyo we, mabbalewo aali myaanda ili kkumi aumwi ya oilo mu cisela ca buzuba, na cintucimwi na cimbi mbuli ceeco; uci teka, moonya mu kalonga ako keni. Pele kubamba buyo *cisinsimi*, Ijwi lya kaambwa kuti wa kaliko, wwa kaliko. Imwi imbi yaka tandila kuyuminina yoonse, koonse mu Kentucky. Tuziba tuniini, bala tuguja aniini, bala unka. Nku kunka buyo kuzwa kuli *aka*. Mwabona?

⁶⁸ Pele, nkaambo ka kulyanda kwakaba akati kaco, makanze mabi, ku sainina cikama ca zintu "ni yakaba nzila *eyi*," kakuli ba kasyomezya kuti bayo cicitila Bwami bwa Leza, pele cakaboneka mbuli kuti cakali cabu beni. Mwabona?

⁶⁹ Elyo ta cika beleki, kwiina cintu cakuliyanda ciyo beleka. Twaambo a makanze ako zyelede kululama, nconzyo cakululama, mpawo uli jisi lusyomo, ku lomba. "Ikuti na

myoyo yesu tai tupi milandu, nkokuti tuli jisi kaanzambwene.” Mwabona? Mwabona, tweede kuba a kaanzambwene. “Ndi yanda eci ku lulemeko a bulemu bwa Leza.” Mpawo lusyomo lujisi ii—ii nzila yakunjilila; ikuti tai citi, mpawo ujisi lusyomo lwabupambu, lwakuyeyela buyo, akutali lusyomo lwini luzwa kwa Leza. Olo lusyomo lwabupampu talu kakutoli kumwi. Inga waba akunyanyamukwa, pele talu kakujanini kuponesegwa oko nko yandaula.

⁷⁰ Aboobo, Jobu, kalilingula mwini a lusyomo lwini olo Leza ndwa kamupa kuti wa kali “luleme,” kuti lwakacita zintuzyonse Leza nzyakali kuuyandila kucita. Lino cindi twa unka kuyo paililwa, ku malwazi esu, Nda libuzya ikuti na twa kacita zintuzyonse Leza nzya tuyandila kucita. Sa twa katobela kabeela koonse ka Lugwalo? Sena twa Mupa myoyo a maumi esu ku mulimo? Nko kaambonzi ncoyandila kuponesegwa? Nke kaambo tokonzyi kuba a lusyomo lukubwene, wabona, nkaambo ndiza tona bamba cintu eci kuli Leza cakusinizya kuzwa ku moyo wako. Mbili Hezekiya mbwa kacita, wakapa Leza kaamba, wa kali kuyanda kubamba bwami bakwe—bwakwe mu matobelanwa. Elyo Leza wakatuma musinsimi Wakwe a kumwaambila, kuti uyo ponesegwa. Mwabona? Pele, weeleder kuba a zintu ezyo ka ziluleme, lutaanzi.

⁷¹ Aboobo mpawo mbwa sikila buyo ku masena aya a kuziba kuti cayubununwa kuli nduwe kwiinda ku Ijwi lya Leza, kwiinda ku ciyubunuzyo, kwiinda ku Ijwi eco Leza nca kuyandila kucita, mpawo uli jisi lusyomo, lusyomo lwini.

⁷² Lino, mbili buyo Abrahamu cindi nakali myaka ili makumi ali fuka afuka yakukomena. Nda syoma, Matalikilo 17. Leza wakabonekela ku mudaala oyu, lino myaka yakukomena ili makumi ali fuka afuka, cindi naali kutandila myaka ili mwaanda yakukomena, wakali kulindila ku cisymezyo eco myaka eyi yoonse. Wa kabonekela kuli nguwe mu zina lya *El Shaddai*, i “Umwi sinkolo.” Alimwi kwakali kuyumizigwa, nekubaboobo cisymezyo tii cakalina zulizigwa eelyo. Pele, “Abrahamu, Ndime Leza Singuzuzyonse, *El Shaddai*, ‘sikupa Nsana, Leza Sinkolo.’”

⁷³ Mbili Mbwa kamwaambila kale, mbili muvwanda muniini oyo ufukufuka, a kuciswa, a kulila, elyo ula lala aa nkolo zya banyina. Elyo a kunyonka nsana zyayo kujokela kuli nguwe, nkaambo ula kkutila kuciindi nanyonka, nkaambo nzila biyo nja jisi a kuziba nja ku nkolo ya banyina. Ta zyi musela wa musamu. Inga wamupa musela wa musamu, inga wa kwemba a kulila. Ko muyasa mu kuboko, elyo inga wazumanana. Pele nzila biyo yaku mukkutya ni nkolo ya banyina.

⁷⁴ Elyo Wa kati, “Abrahamu, wa cembaala, nsana zyako zyamana, maboko ako ayabaala, bulombe bwako bwamana,

pele Ndili Banyoko. Kojata buyo cisyomezyo Cangu, kokkutila kuciindi nolindila. Ko pumuna!"

⁷⁵ Lino, eyo nje nzila ya musyomi oonse, takukwe makani kkulenge mbolili libyaabi ndo jisi, ciindi cilamfu nco kakkala mu whiluceya, kufumbwa zintu ezyo, cita buyo ikuti wakonzya kumvwisya eco ciyubunuzyo cizwa kwa Leza! Mpawo kokkutila, mukuziba kuti ciyo citika, nkaambo lusyomo lula lindila calukakatilo ku cisyomezyo. Mwabona?

⁷⁶ Jobu wa kalizi kuti wakali luleme. Cindi twa langa, awa mu Magwalo, kwa kali...aba balombwana bakamu sikila; mamembala ambungano yakwe. Zindizyonse limwi zyakali kuboneka kabotu kuli nguwe zyaka mulwana, a kusola kumutamikizya kuba sizibi wakumbali, nkambo ka zintuzyonse zyaka citika kuli nguwe. Mulamvwa bantu, asunu nekuba, kuti, "Nda kakwaambila. Amu mulange! Amubone cintu...?" Ako takali kasimpe kamaninide. Ciindicimwi ngu Leza kasunka bantu Bakwe. Mu kaambo aka, wa kali Leza wakali kusunka Jobu, muntu waali mubotu maningi aa nyika ku ciindi. Lino, Wa kali mujatililide kaindi, nkaambo kakuti Wa kalizi kuti Jobu wakali musinsimi oyo waka jisi cilengaano kuzwa kuli Leza, cakuti wa kacita ncobeni eco Leza nca kamwaambila kucita alimwi wa...Leza wakali sinikizidwe kuzulizya cisyomezyo Cakwe kuli nguwe.

⁷⁷ Oh! Bonse Banakristo beeleded kuba booboo. Cindi caku penaana kwamamanino kwa buumi bwesu kwasika, nkabela lufu lwa kwalakwala mu kameneno kesu, tu cino jisi nji a kuyeeya kuti Leza wakati, "Njo mibusya alubo ku buzuba bwamamanino." Mwabona? Tweeleded kujatilila ceeco—ceeco, bumboni bwesu, busena bwesu muli Kristo, cilao cesu, obo mbotubede, mukukuziba kuti twa kabamba Ijwi lyoonse lya mulao Wakwe. "Balacoolwe abo bacita milao Yakwe kutegwa bakabe a nguzu zya kunjila." Mwabona? Alimwi cindi twanozi, takukwe makani eco umwi nca kaamba, twa kabamba mulao oonse oyo ngo tubona mu Bbaibbele, kuteeti Leza waka tucitila...twaambila kucita, a kubatama, a luyandisyo, a bulemu ku Mulengi Oyo wakalemba Bbaibbele.

⁷⁸ Tu laamba, "Muntu waka Li lemba."

⁷⁹ "Muntu wakale, wakeenzegwa a Muuya Uusalala, waka Li lemba." Mwabona? Mwabona, Leza waka Li lemba kwiinda ku muntu. Mboli musinsimi kaamba Ijwi Lyakwe, talili ijwi lya musinsimi, ndi Ijwi lya Leza, mwabona, kwiinda ku musinsimi. Nke kaambo Lye elede kucitika, ikuti na ncobeni Nkasimpe.

⁸⁰ Lino, tula bona oyu muntu mulemu. Alimwi, amuyeeye, Jobu taka jisi Bbaibbele lya kubala mu buzuba bwakwe. Peepe! Wa keenda biyo kwiinda ku bunanike. Wa kali musinsimi Ijwi lya Mwami nko lyakali kusikila. Wa keelede—wa keelede biyo kunanikwa, nkaambo wa kalizi cilao cakwe kuti wa kali

musinsimi wa Leza. Lino, cintu biyo eco cakacitika, bwakali bunanike bwaka muvumpa. Elyo mpawo wa kaziba eco nca kaamba kuti ciyo citika, nkaambo cakaboola kwiinda ku bunanike.

⁸¹ Eco nceecintu mbungano, ikuti na mu matobelanwa (ibambidwe mu matobelanwa), biyo ii...ili jisi bupange bubambidwe, iyandikana biyo mpawo nguzu zyakubeleka. Sunumasiku, ikuti na ta jana bupange bubambidwe, kululamika myoyo yesu, zintu nzo tukonzya kucita, kutobela Ijwi lyonse, ku Mu tobela mu lubbizyo, ku Mu tobela mu malailile onse Nga katwaambila kucita, kubamba bupange boonse, a kwiima alya; mpawo tuli libambilide ku nguzu zibeleka kuti ziyasigwa, alimwi Leza alikke ngu konzya kucita ceeco; alimwi oko nkulokela mu moyo wako cakuti lusyomo lwaamba kuti, "Nda ponesegwa lino." Mpawo takubambi lwandaano lumwi ku ciimo mbocibede, wa ponesegwa nekubaboo; nkaambo ndusyomo, ku lusyomo wa ponesegwa.

⁸² Wa kajisi nzila ya kukwabana kui Leza, eyo nja kali kujana ku bunanike. Wa kajisi kakondo kakuligusya mwini, a kulekela Leza kunjila. Elyo wa kalizi kuti wa kali lulamikidwe. Ca kali cipego, ca kali cipego ca bantu; kutali ca Jobu, pele ca bantu. Obo mbozibede zyoonse zipego zya Buleza, nzya kubelekela bantu ba Leza. Tali oonse wakabambwa kuba musinsimi. Nyoonse nywebo ta...tamu bambidwe kupailila baciswa. Boonse babo taba bambidwe kuba beembeli, abamwi bambi. Pele ninzila eyo Leza njaka bajulila. Alimwi mbuli mbo twa jisi cifumo cino mu ciiyo, kuti wa...Muntu omwe tajisi makani a kuleya kunjila munzila ya muntu ucilila, takukwe makani mbwa nanikidwe, obo kunji mbociboneka, obo kabotu...Mbangaye bali mu muswaangano cifumo cino? Atu bone janza lyako. Mwabona? Mwabona, to konzyi.

⁸³ Ngooyo Davida, waka nanikidwe ncobeni mbuli mbwakali kukonzya, bantu boonse kaboongolola a kulemeka Leza, ku kaambo kakali kulibonya kuba ka Lugwalo ncobeni pele wa muntu uteeleli. Obo bunanike bwa keelede kusika kuli Natani, kutali Davida. Mwabona, Akwalo taakwe nakabuzya Natani. Mwabona cakacitika na? Mwabona, tu jisi...Leza wakati Ta "citi cintu mane Wa Ci yubunwida balanda Bakwe basinsimi."

⁸⁴ Elyo Jobu wakali oyu musinsimi mu buzuba bwakwe. Lino, cintu biyo nea kacitila Jobu: Eco cakali kumupa busongo lyoonse a Ijwi Lyakwe a bunanike, ta kakonzya kujana bunanike. Pele wa kalizi bupange bwakwe boonse (wa katuulide cipaizyo cakuumpa, wakali citide zintuzyonse nzya kazyi kucita zyali luleme), pele ta kakonzya kujana ijwi kuzwa kuli Leza. Pele dyabulosi ta kakonzya kumupusya! Mpaawo we.

⁸⁵ Lino, mpaawo we cindi wa paililwa. To elede kuzuza kujokela kwiinda mu mundando, na kuunka kulekela

muntuumwi umbi ku kupailila. Cindi waziba kuti wacita mbubonya obo Leza mbwa kakwaambila kucita, wabona, mpawo lindila nzila eyo ya bunanike kujuka kuli nduwe, elyo, “Lino Nda ponesegwa!” Cindi bwa lokela omuya, mpawo ca mana coonse. Oh, to yandikani mindando ya mipailo, taakwe cimbi, ca mana! Ca yubununwa kuli nduwe! Wabona?

⁸⁶ Mbuli buyo musinsimi wakale ku kuboola kwa Mwami Jesu, Tu jana kuti caka yubununwa kuli nguwe, musongo sikale, kuti, “ta kaboni lufu kusaanguna akabone Kristo wa Mwami.” Alimwi wa kacisyoma Eco, alimwi wa ka Ci lindila. Alimwi bantu bakayeeya kuti wa kali sondokede, mudaala wa kali nyongene mu kuyeeya kwakwe. Pele wa kacili ku Ci syoma! Taakwe cakali kukonzya kumu zungaanya kuzwa kuli ncico, wa kalizi kuti Leza waka Ci yubununa kuli nguwe, nkambo Bbaibbele lyakati, “Ca kayubununwa kuli nguwe kwiinda ku Muuya Uusalala.”

⁸⁷ Simioni kanjila mu Tempele ku miniti eelyo, wakeenda okuya akulumbaizya Leza, a kuti, “Lekela mulanda Wako aunke mu luumuno.” Cindi na kanyamuna muvwanda, “Meso angu abona lufutuko Lwako.” Mwabona, wa kalizi kuti wa kali kuyo Mu bona. Takukwe makani na bakali banji buntu bavwanda bakalino swaya buzuba abumwi, wa kalizi kuti Leza waka muyubunwida kuti wa kali kuyo bona Kristo natana kufwa. Simioni wa kacisyoma eco.

⁸⁸ Lino cindi cayubununwa kuli *nduwe*, kuti yebo omwini watambula cisyomezyo ca Leza; bunanike, nywebo mukuba Banakristo, bwamuvumpa, tamu ciyandikani mundando wa mipailo. I cintu . . . cintu biyo ncomu yandikana nku jula moyo wanu cindi bupange boonse bwabambwa a kulekela bunanike kulokela mukati, elyo mpawo taakwe cikonzya kucinca mizeeo yanu; mwa cijana. Kunze lya ceeco, ta cikamugwasyi pe.

⁸⁹ Lino amubone, Jobu wakali kuyandikana nzila ya bunanike, wa kali ijisi kaijukide. Wa kajisi nzila ya kukwabana a Leza, kwiinda ku bunanike Bwakwe. Wa kajisi kazila kakuligusya mwini a kulekela Ijwi lya Leza kunjila. Amubone obo mbo—obo mbo bakasika kumubuzya kuzwa Kujwe a kuzwa Kumbo, bantu kaba muyandaula nkaambo ba kalizi kuti eco Jobu nca kaamba cakali ca Kasimpe. Ba kalizi kuti ulya muntu wakamba Kasimpe. Nkaambo, eco nca kasinsima, nce caka citika! Elyo bantu banji bakazwa Kujwe a Kumbo.

⁹⁰ Wa kat uya kuunka okuya ku misika, basibwami bakubusyi kuzwa Kujwe kuteeti bayo fugama kumbele lyakwe, kuzoomvwa buyo ijwi lyomwe lya kuumbulizigwa kuzwa kuli nguwe, busongo bwakwe bupati abwanguzu, nkaambo bakalizi kuti muntu wakali kusyomeka. Ta kali kuyanda kulikankaizya mwini, ta kajisi tuleba twa kukwenga, na tutambo twa kukwela, wa kali musinsimi ululeme a usyomeka kumbele lya Leza.

Alimwi baka jisi kaanzambwene muli nguwe, a bantuboонse bakazwa Kujwe a Kumbo kuzoambaula buyo kuli nguwe asyoonto. Wa kaambwa, mu Bbaibbele awa. Pele, nywebo mwabona, wa bulide bunanike bwa kumwaambila eco coonse eci nca cakali kwaamba. Leza waka cilekela kucitika, ta kamwaambila.

⁹¹ Mpawo, buzuba bumwi, tu jana kuti muli eco, nce ciindi eco... Bantuboонse, kufumbwa kuti ulakonzya kubagwasya, "Kuli kabotu." Pele cindi bayanda kwiimpana a nduwe, nce cindi mapenzi nanjila. Pele walo alikke wa kalizi kuti wakali luleme; kudunta kwakwe kwa lusyomo, kumvwa Ijwi lya Leza kukanana kuli nguwe, wa kalizi kuti Ka kali Kasimpe. Iiyi, munene! Wa kalizi Jwi lya Leza. Taakwe umwi wakali konzya kumweena ali Ndilyo, nkambo waka Li lizi. Lya... Pele kufumbwa wa... cintucimwi cayubununwa kuli nduwe, ndiza kwiimpana kuli ceeco bantu ncoba yeeya... Lino, Ndi kananana mu bweende bwa basinsimi. Cindi Leza ayubununa cintucimwi, calo, ikuti na kwasola kuba kaziye kazwa kwa Leza keelede kuyubununwa ku bantu, ta kakasiki kwiinda mu seminari, ta kakabooli kwiinda mu nkamu ya bantu, ta kanacita pe. Lyoonse kayo, kaka, alimwi kayo, cita kwiinda ku mugame omwe, musinsimi! Amosi 3:7, mwabona, "I Mwami taciti cintu citakuti Wa saanguna ku Ci yubununa kwiinda ku basinsimi Bakwe."

⁹² Elyo, lino, Jobu waka jisi cintucimwi cilubide kuli nguwe, pele ta kakonzya kuleta bunanike ali lwakwe, nkabela cakali kumupenza, a kuti... cindi wanjila mu musyobo oyo wa penzi, nce cindi sinkondo nanjila mu mulongwe woonse, kanji, ula jana. Elyo ba katalika kumutamikizya. Oh, kweelede kuti cakali cintu casampu kuli nguwe kuziba kuti balongwe bakwe baka mutamikizya, Saatani ulaunka a kulisanganya mwini a sinkondo. Nce cindi Saatani nanjila, "Ndi mujate, nkabela Njo mubamba kusinganya Nduwe kuli Ako... Njo mubamba kukaka Mulumbe wakwe. Njo mubamba kusinganya Nduwe. Njo mubamba kujoka a kwaamba kuti 'Ca kali lubide conse.'" Mpawo wa kamusoleka kubeleesyazintuzyonse nzyakali kukonzya, kuli boonse mutu mulemu a balongwe abo mbakali kuba abo. Pele Jobu wakaima nji ku matende, nkambo wa kalizi kuti wakamvwa Jwi lya Leza!

⁹³ O Leza, gwasya, juunza masiku, kuti Nka konzye kuleya ayo *Mababa Aa Nziba*. Nda kamvwa Jwi lya Leza lya kaamba cintucimwi, nkabela ciyo citika munzila eyo! Mbubonya buyo ezi zintu zimbi zyacitika, ciyo citika!

⁹⁴ Lino, Jobu wakali cizi kuti cakali kuyo citika. Alimwi wa kalizi kuti Leza wakamwaambila kuti, kuti wakali "luleme." Pele baka mubamba kuba sizibi, aboobo wa kalindila bunanike mpawo. Saatani kanjila boonse i—i bantu nkabela wa kanyona i... basikumuumbulizya, bategwa mbabo, a kumu tamikizya, pele tii caka mupusya aniini. Pele cindi Ijwi lya Leza nilya

kasimpikizigwa kuli nguwe... Wa kamvwide Leza ku kumvwa kwa matwi, pele buzuba bumwi kakkede ku ciimo cakwe caansi loko... Elyo kuciindi na kakkede alya, umwi aumwi kamu tamikizya, naba mukaintu wakwe kamwaambila kuti wa kali “lubide,” wa kali kukwezya zyuute zyakwe. Elyo Eliu wakasika akumu tapatila nkambo kakuliyanda, obo mbwa kali kutamikizya Leza abumwi.

⁹⁵ Elyo mpawo ku ciindi eco akali mpawo bunanike nibwa kamuvumpa, nce cindi lulabi nilwa katalika kumweka, mizumo yakatalika kuvuuma, nce cindi bunanike nibwa kavumpa musinsimi, nkabela wa kabuka, nkabela wa kati, “Ndi lizi Munununi wangu ulapona! Elyo ku mazuba akumamanino Uyo ima atala a nyika eyi. Nekubakuti tuuka twa lukanda twa nyonyoona mubili oyu, kwalo mu mubili wangu Njo bona Leza, Oyo Ngwego bona lwangu.”

⁹⁶ Wa kabona... Wa kali kwaambaula makani a masamu, buumi bwamasamu, obo mbwaafwa a kupona alubo; maanzi kaabujosya, bweema bwa maanzi, kunkilila kwa maanzi, kucitika kwa maanzi kutikila a cisamu na cintucimwi, mbuto eyo yakanjila mu bulongo. Wa kati, “Pele muntu alala ansi akufwa, bana bakwe bayosika kulemekwa nkabela ta kakuzibi. O kuti Wa ndisia mu cuumbwe” (Jobu 14) “mane bukali Bwako bukainde.” Wa kati, “Pele ikuti muntu wafwa, sa uyo pona alubo? Ziindi zyakwe zyoonse zisalidwe zya buumi bwangu, Njo lindila mane kucinca kwangu kukasike. Uya ku ndiita, nkabela Njo vwiila. Wa kandisalila zyaanzyo nze Nta konzyi kwiinda,” abumwi. Wa kalizzi zintu ezi zyoonse. Wa kalangilila cisamu kacipona, pele ncinzi cakacitika ku muntu cindi na kafwa? Ta kabuka alubo. Aboobo, Leza wakali kumutondezya Munununi oyu.

⁹⁷ Wa kali kuyanda kubona na kwakali muntumwi wakali kukonzya ku mukombelezezya. Wa kakombelezezya bantu banji loko, pele lino sa kuli muntuumwi ukonzya kumu kananina? Sa inga kwaba muntuumwi ubikka janza lyakwe ali Jobu, na muntu sizibi a Leza Uusalala, akubamba nzila ya cizabukilo? Sa inga wa unka ku ng’anda Yakwe a kukonkomona aa citendele? Sena inga Wa jula citendele a kwaambaula kui nguwe asyoonto?

⁹⁸ Pele, mpawo, cindi bunanike nibwa kalokela mu moyo wakwe, mpawo wa kakonzya kubona Leza. I lulabo kalumweka, muzumo kau vuuma. Elyo cindi nicakacita, wa kaima ku matende akwe, a kuti, “Ndi lizi Munununi wangu ulapona! Munununi wangu, nkabela ku mazuba akumamanino Uyo ima aa nyika.” Mwabona, wa katalika kubona kuvviila kwa Leza ku lusyomo lwakwe.

⁹⁹ Lino, tula libuzya na inga twabona Leza. Sa kuli nzila njo tukonzya ku Mu bona? Lino, yakali nzila biyo Leza nja kajisi, ku kusoleka Jobu. Wa kati, “Nda kamvwa zya Nduwe, a kumvwa

kwa matwi, pele lino Nda Ku bona. Pele lino Nda Ku bona, a meso angu.” I cilengaano cautalibonya cakabambwa kuba antangalala. wakabona kkumbi kali bumbulika, wa kamvwa kumweska kwa lulabo, na ku lubona. A kubona kupumbulika kwa muzumo, ndiza a buzuba butakwe cintu, nkabela wa kabona Leza wakali mu kkumbi eelyeo a mu lulabo olo. Wa kakonzya kubona Leza, a meso akwe akunyama. Mwabona, nkaambo uutalibonya wakabambwa kulibonya. I cilengaano cilibonya ca bamwi mpawo caka simpikizigwa, antangalala, ku meso akunyama.

¹⁰⁰ Mburonya mbuli Lusyomo lujisi milimo, mbuli mbo twaka kanana busiku bwainda. Abrahamu, peepe...ta kajisi Bbaibbele lyakubala awalo, pele wa kali musinsimi, cilengano cakwe a lusyomo lwakwe. Alimwi cakaboneka kulubila kuli bamwi kuti wa keelede kuyeeya booboo, kuti wa kayeeya kuteeti bakali kuyooba a muvwanda. Pele baka a muvwanda, nkaambo cilengaano cakwe ca muvwanda nce ncico ncakali kwaambaula, “Ndiyo mutambula! Ndiyo mutambula!” Pele cindi muvwanda nakazyalwa, mpawo bantu bamwi bakakonzya kubona a meso eco nca kabona mu cilengaano. Alimwi cintu waunka kukutauka eco ncrosyoma mu moyo wako, mpawo bantu balaziba Leza, a kuziba eco cicitika kuli nduwe, kwinda kunzila nko kutauka. Eyo nje nzila njo bona Leza a meso. Pele kuli nguwe, koonse nkvakacita kwakali kabetu, koonse oko nkwa kacitila bamwi, wa kali kuyandikana muntuumwi kumu kombelezeyza. Cindi kuzyalwa kwa muvwanda nikwakasika, Izaka, i—i bunanike obo bwaka muzolwede kuli ceeci bwaka simpikizya cilengaano cakwe oko bantu nkobakali kukonzya kubona eco nca kabona mu cilengaano kuti kakali Kasimpe nconzyo.

¹⁰¹ Lino, ziindizimwi oku kuduntaana kupati kwa lusyomo kula boola moonya mu cindi cabuyumuyumu. Kanji buyumuyumu butuleta muli ceeci. Bwa kali buyumuyumu bwa kanjizya Jobu muli ncico. Baa, wa kali kumamanino a buumi bwakwe. bana bakwe bakali fwide; nkamele zyakwe. Alimwi zyonze zintu zyakwe zyakamana a kunyonyoonwa. Alimwi buumi bwakwe mwini, wa kabbuka zyuute kuzwa kumpela lya mutwe wakwe kusika ku matende akwe. Bwa kali buyumuyumu, cakuti wakasyanikizigwa mwini, mpaawo bunanike mpo bwaka muvumpa.

¹⁰² O nobaalumi a banakazi, sunumasiku, ikuti mwakonzya kulanga koonse a kubona mbo tuli munsi lya Kuboola kwa Mwami. Nywebo nomwa kazima lubbizyo lwa Muuya Uusalala. Inga mwa yaamina aa kunyanyamukwa kumwi, na cintucimwi eco ncomwa kacita eco Saatani nca konzya kukkopela, a kutakonzya kuba a Muuya wini muli ndinywe kweenda lweendo loonse mu zisyomezyo zya Leza. Mbobuti muntu mbwakonzya kutaminina kuba a Muuya Uusalala kukaka Ijwi lyomwe lya Bbaibbele eli mukuba “lita luleme”? To konzyi ku cicita!

¹⁰³ Takukwe makani mboli mukombi, akuvula kwa mambungano nko zulilwa, akuvula kwa mabbuku zina lyako molibede, ikuti na oyo Muuya Uusalala wini uli muli nduve (uuli ndi Ijwi eli lyatondezegwa), uyo bona Mulumbé a oora, nkaambo walo Muuya Uusalala oyo ucicita. Pele kweelede kuba cintucimwi ciyasya, bunanike kuti bukuvumpe. Alimwi ikutii na kuli... ikuti na watila maanzi aansi, aansi, aansi, nkabela kwiina mbuto omuya ya kuyuuma, mbobuti mboikonya kusola kuzyala cintu cimwi? Takukwe cintu cakuzyala. Nko kuti, cita biyo Basale ba Leza mba Youbona.

¹⁰⁴ Iba Basale ba Leza baka Ubona mu cindi ca Nowa, muciindi ca Musa, mu ciindi ca Jesu, mu ciindi ca Baapostolo, mu ciindi ca Luther, mu ciindi ca Wesley, mu ciindi ca Pentekoste, nkaambo eyo yakalo Mbuto yakali mu nyika cindi bunanike nobwa katilwa ansi. Lino kuciindi bunanike bwaa katilwa ansi, ku kubunganya Nabwiinga antomwe, cita biyo abo Basale mbeba Youbona. Jesu wakati, "Nda Ku lumba, Taata, kuti Wa kasisa zintu ezi kuzwa ku meso aa basongo a basimaanu, aku Ci yubununa ku bavwanda baya kwiiya." Lino, bunanike bweelede ku cuuma.

¹⁰⁵ Lino, cindi bunanike nibwa kamuvumpa, obo bwakacicita. Wa ka Bu jana mpawo! Lino, tula bona, mpaawo kwakasika ciindi cabuyumuyumu obu cisyanikizya neconzyo. Alimwi walanga koonse sunu, langa ku ciimo nco tuponamo. Sa ta tuponeni muli Sodoma a Gomora ya busyaasunu? Sena inyika tiiya bweeda? Eyo yakali inyika ya Bamasi yaka nyonyoonwa kaindi, ku mulilo. Sa Jesu ta kaamba, mu Musalali Luka, cipati 17, kampango ka 28, ka 29, a ka 30, kuti, "Mbuli mbo kwakabede ku mazuba akwa Sodoma, mbubonya mbo kuyooba ku kuboola kwa Mwana wa muntu, cindi Mwana wa muntu ano yubununwa"? Niinzi ku "yubununwa"? Nkaziye kayubununwa, ciyubunuzyo; nku yubununa na kuzibya kaziye.

¹⁰⁶ Lino, ezi zintu zyakasiswa kwinda mu makkalo ambungano onse lino ali mukuyubununwa, kuzibisigwa. Lino, inga twaamba eco, alimwi ikuti na Leza ta ciiminini eco, cili lubide. Mwabona, Leza tayandikanii umwi wakupandulula Ijwi Lyakwe, Ngu Sikupandulula Lwakwe Mwini. Wa kati, "Ii nakalindu uyo mita," nkabela waa kacita. Wa kati, "Akube mumuni," nkabela wakaba. Alimwi tatu poneni mu bukkalo bwa Luther, bukkalo bwa Wesley, na bukkalo bwa Pentekoste. I bukkela bwa Pentekoste bwakali biyo bwa kuboozezya zipego kujokela ku mbungano, pele tu pona mu ciindi caku mangolezya, tu pona mu ciindi ca kwiitwa kuzwa kwa Nabwiinga.

¹⁰⁷ Alimwi mbuli mbo cakali ciyumu ncobeni kuli ba Katolika kubona Luther, a ba Luther kubona Wesley, a Penteko... ba Wesley kubona bukkalo bwa Pentekoste, mbubonya nciyumu kuliba Pentekoste kubona obu bukkalo. Ca kali boobo lyoonse, nkaambo Bu tilwa a Mbuto zya Basale, abo luzutu. Eeco

nciconya Bbaibbele ncoli yiisya. Taba konzyi ku Bu bona, Jesu awalo wakaba kombela, wakati, "Ba kaliofweede, tiiba kacizyi." Ciyubunuzyo cila twaambila, mu bukkalo obu bwa mbungano ina Laodikeya, cindi Na katandilwa anze lya mbungano, kuli bali "cinswe! bacete! basampaukide! boofu! nkabela ta bacizyi." Kujoka alubo, taba konzyi ku Ci bona, konzyi ku Ci mvwisyia. Ba kanamatila maningi mu tunsiyansi!

¹⁰⁸ Pele amuyeeeye Ijwi lyaka syomezegwa ilya Leza ku mulomo wa Jesu Kristo, Leza nguonya eyo wakaamba bulenge kuba, Wa kali Nguwe kuzwa kumalengelo aa inyika wa kaamba Majwi akuti, "A kube," nkabela kwakaba. Nkambo Wa kati, "Wa kali mu nyika, elyo inyika yalengwa aa Nguwe, elyo inyika tiiyaka Mu ziba pe. Pele boonse baka Muziba, kuli mbabo Wa kabapa nguzu zyakuba bana ba Leza." I Mulengi nguonya, a Mulengi nguonya Mwini, cindi Na kabusya Lazaro kuzwa ku bafu, Wa kati, "Muta yeeyi eci kuba ceenzu, nkambo oora lilasika cakutti cindi boonse bali mu zyuumbwe bayo mvwa Jwi lya Mwana wa muntu, nkabela bayo yutuka." I Leza nguonya wakati, "A kube Mumuni," wakti, "I Jwi lya Mwana wa muntu inga liyo busya baabo bali mu zyuumbwe." Ceelede kucitika muciindi caco ceelede. Wa kaamba, "A kube mweenze a muzyazi," abamwi bambi, a zyonse ezi, myaka a myaanda ya myaka kacitana citika.

¹⁰⁹ I bunanike bwakauma musinsimi Isaya, wa kati, "Kuli ndiswe mwana wazyalwa, mwanamulombe wapegwa. Zina lyakwe liyo tegwa Sinkuta, Sibwami wa Luumuno, Leza Singuzu, Taata uteeli." Myaka yakainda, myeezi, myaka, mazuba, mvwiki, myaka yaka kulauka, myaanda ya myaka yaka kulauka. Nikwakainda myaka ili myaanda ya lusele, Emanueli wakazyalwa kuli nakalindu! Nkaambonzi? Nkaambo lya kaambwa ku milom ya musinsi wakananikidwe iwa Leza, mbuto yakaunka. Mwabona? "Alimwi eelyo oora pati," wakati, "muyo yandaula . . . ku Ndi lomba cilengaano na citondezyo."

¹¹⁰ Wa kati, "Njo bapa citondezyo, citondezyo citeeli, 'Ii nakalindu uyo mita, citondezyo citeeli."

¹¹¹ Lino, tu jana kuti mu maora ayo akusyanikizigwa ncobeni, nke kanji cindi Muuya wa Leza nounjla. Wa kalekela bana Bahebrayo kunjla moonya mu bbila lya mulilo, walo Ka tana sola kupusya janza. Pele cindi Na kaputa, Ula puta.

¹¹² Lino, tula bona awa kuti muli Luka, i—i cipati 17, kampango ka 30, kuti Wa kati, "Ku mazuba akumamanino, kuti Mwana wa muntu uyo liyubununa Mwini mbuli Mbwa kacita kumbele lya kaindi Sodoma a Gomora, a ziimo nzyoonya ziyooba." Wa kaamba kuujatikizya Musa, kujatikizya . . . elyo mundi jatile, kutali kujatikzya Musa, pele kujatikizya Nowa. Obo bantu mbo bakali "kulya, kunywa, azimwi zimbi, kukwata akupana mu lukwatano." Mpawo Wa kanyona, Wa kati, "Lino, mbuli mbo

kwakabede ku mazuba aa Lota, mbubonya mbo kuyooba ku ciindi Mwana wa muntu ano yubununwa.” Lino, amulange, Mwana wa muntu waka yubununwa ku nkamu ya Abrahamu, mbuli Muntu, Musinsimi, mu ciwa ca mibili wabantu, Muntu buyo a lusuko aa zisani Zyakwe, nkabela Abrahamu waka Mwi ita kuti “Elohimu.”

¹¹³ Lino, Jesu ulasyomezya awa kuti ku mazuba akumamanino Mwana wa muntu uyo yubununwa alubo ku musyobo oyo wa nkamu alubo, Lunyungu lwabwami ilwa Abrahamu, mililo kiitana kuloka. Amuyeeye, mbungano tii yakatambula limbi bumboni, Abrahamu abamwi tii bakacita, mwana waka syomezegwa oyo ngo bakali kulangila wakaletwa mpoonya awo kwiiinde ceeco. Alimwi mbungano ilangila Mwana waka syomezegwa, Uyo boola nconzyo kwaakumana mazuba aa mulimo wakwe, Uyo yubununwa kuzwa ku majulu. Lino, tula cibona antangalala, ceelede kuba. Lino, cintu biyo okuya ceelede kuba cintucimwi ciduntaana, cinjila muntu, Leza wasimpikizya aku mwaambila a kumu tondezya kuti eco nce cintu ceelede kucitika; a kuti uyo . . .

¹¹⁴ Mbuli Musa mbwakacita, ta kayanda kuvuna bana abo, pele Leza waakanana kuli nguwe mu citeo ciyaka. Ta kali kuyanda kuunka, pele wa kaunka. Musa wa Mu mvwa mukuba Jehova mupati. Pele mpawo ta kakonzya ku Mu bona, Wa kali mu ciwa ca Musumpululu wa Mulilo. “Nda kamvwa Nduwe, pele lino Nda Ku bona.” Ino Wa kabonwa munzi? Ijwi Lyakwe lyakasimpikisigwa.

¹¹⁵ Leza wakaambila Abrahamu kuti, “bantu bakwe bayo endeenda mu nyika nyenzu kwa myaka ili myaanda yone, pele kuti Uyo bagwisya ku janza lya nguzu loko.”

¹¹⁶ Elyo, amubone, eci citeo ciyaka cakapa kusimpikizigwa kuli ceeco musinsimi Abrahamu nca kaamba kuti ciyo citika. Musa wakati, “Nda ka cimvwa, pele lino Nda cibona!”

¹¹⁷ Lino, *twa* kamvwa kui ku mazuba akumamanino Mwana wa muntu uyo boola akati ka bantu Bakwe a kulyubununa Mwini ku bantu munzila njionya Nja kacita ku i . . . kakutaninga buyo kuba lunyonyooko lwa Sodoma. I Mwana wa muntu, ino Wa kacita nzi? Wa kaziba tuziye oto *twa* kali mu moyo wa Sara. Akwalo wakapa cisymezyo kuli Abrahamu. Abrahamu wakali mvwide Jwi lya Leza, kwayanda waka Mu bona munzila zinji zyandeene (Nse zyi Mbwa kaambaula kuli nguwe, kwinda mu ziloto na kwinda mu zisinsime), pele eci ciindi waka Mu bona. “Nda ka Kumvwa, lino Nda Ku bona.”

¹¹⁸ Alimwi mbungano ya kamvwa Leza, baka Mu bala, a ceeco Nca kacita, a zisyomezyo Nzya kapanga, pele lino *twa* Mu bona a meso esu (mbubonya buyo Jobu mbwa kacita), “Nda ka Kumvwa, pele lino Nda Ku bona.” Ma! Ino ndwandaano.

¹¹⁹ Musa, mu buyumuyumu obo, wakoompolola. Elyo tula bona, mu Kulonga, cipati 14, kampango ka 13 akusika ku 16, Musa mu kuminwa oko kupati awo antomwe a bana ba Israyeli, bunanike bwaka muvumpa, nkabela wa kaamba eco nca keelede kwaamba, mukuta ziba kuti wa kacaamba. Mwabona, “Amwiime nji nkabela mula bona lufutuko lwa Leza.” Leza takalina ambaula kuli nguwe. Mwabona bunanike bwaka muvumpa.

¹²⁰ Ba kati, “Nkaambonzi wa tuleta kookuno? Twa keelede kufwida mu Egepita. Sena nkaamo kakuti kwaanyina zyumbwe kumusanza okuya? Kutuleta okuno, a ku tulekela kufwa; ni twa kakonzya kupona mu luumuno mbuli bazike kusikila katufwa, pele wa katuleta okuno.”

¹²¹ Musa, musinsimi, mukuziba kuti wa kajisi nzila kuli Leza, wakali nanikidwe, elyo wa kati, “Amwiime nji nkabela muyo bona lufutuko lwa Leza; nkkambo bana Egepita mbo mubwene sunu, tamu kababoni limbi.” Ino wa kaziba buti kuti cakali kuyo citika? Ino wa kaziba buti? Ta kazi eco nca kaamba.

¹²² Pele mbwa kamaninina buyo ku lyaamba, Leza waka mwaambila kucicita. Kat, “Musa, uta lili Ndime, tola musako wako mu janza lyako a kuutandamika ku lwizi, a kwaambila bana ba Israyeli ‘Kweenda!’” Amen!

¹²³ I bunanike! Eyo nje nzila mbu bukuuma ikuti na uli cisidwe. Eyo nje nzila mbo bukuuma ikuti na uli pengede. Cintucimwi ceelede kuyubununwa kuli nduwe, alimwi wabona kuti cayubununwa, ula kanana, “Nda ponesegwa!”

¹²⁴ Mpawo Leza ula kwaambila cakucita, “Buka talika kweenda.” Amen! Mpawo camana conse, cindi wa konzya kucicita munzila eyo. Eyo nje nzila Leza nja cicita, mpawo wabona Leza katondezegwa kwiinda muli lwako.

¹²⁵ Wa kali Leza waka mwaambila kucicita. Lino, mpawo, boonse abo bakaliko, boonse ba Israyeli baaloko baka bona bunanike obo bwaka vumpa Musa. Ba kabona Leza, a meso abo eni, kufulida maanzi ayo kujoka ku lubazu lomwe kuya kumbi. Alimwi Musumpululu wa Mulilo waka basololela ncobeni kulanduka i—i lwizi. Wa kamvwa Leza, mpawo bakabona Leza.

¹²⁶ Joshua wakali muoora lya buyumuyumu, cindi impi nizya katumwa, nkabela zuba lyakali kubbila. Joshua wakali musinsimi, aboobo wa kalizi kuti na impi yakaba a coolwe ca kukamantana alubo a kuboola kumu lwana, na kasweekelwa banji, aboobo mu oora eelyo lya buyumuyumu cindi cintucimwi ni cakeelede kucitwa... Kwakali cintu comwe biyo, ikuti na wa kali kukonzya kubabamba kutija, inga na kabatobezya, umwi aumwi, kumusanza. Pele kwakanyina mumuni munji wa kucicita, aboobo Joshua wakaima, wakatambika maanza akwe, wa kati, “Zuba, Koima nji! A mweezi, kulindila ku Ajalon mane Ndi manizye nkondo yangu.” Elyo zuba lyakaima nji. Ba

kamvwa Joshua kaamba, elyo mpawo bakabona Leza, a meso abo beni, mu ncito. Masimpe!

¹²⁷ Mwabona, mubwini, caali cikankamanisy o kubona cintucimwi ciboneka kuta konzeka, nekubakuti ncabwini. Pele, "I zuba lyakaima nji," mbolyaamba Bbaibbele. Nse zyi nywebo nobantu nco muyeeya, abo bayeeya kuti inyika yakali kuzunguluka, lino; nekuba, "zuba lyakaima nji." Antela Joshua ta kasola kumvwisya nzila mbwa kali kuyo—kuyo cicita, obo Leza mbwakali kuyo cicita, cintu biyo nca kaamba cakali cakuti, "Zuba koima nji!" Wa ka caamba, antela mukutaziba eco ncakali kwaamba, nkaambo wa kali Leza wakacipa kuli nguwe, elyo Wa kabeleka.

¹²⁸ Cintu nciconya muli Marko 11:23, "Ikuti na waambila dundu eli kuti 'kozyuka,' akuta zumbauzya mu moyo wako, pele kosyoma kuti eeco ncoamba ciyo boola kucitika, inga waba aceeco ncoamba." Pele to konzyi kuli bbilingana mu mizeezo yako a ku caamba, weelde kunanikwa kuti ucaambe. Amen!

¹²⁹ Mundijatile bupanduluzi; pele obo buzuba, nke kkede omuya mu zisaka ezyo (a Leza Mubetesi wangu, alimwi Nda konzya kuwa calufu a cikambaukilo awa), cindi olo Lugwalo lwaka ndifumpula mu buumi bwangu boonse... kali kkede cifumo eco mu zisaka, elyo Nda kali kuyeeya ali ndulo, nkabela eelyo Jwi lyaakanana kuli ndime, Wa kati, "Olo Lugwalo luli mbuli Magwalo oonse, Ndwa kasimpe."

¹³⁰ Elyo Nda kayeeya, "Ee, inga lwaba buti?"

¹³¹ Elyo Wa kati, "Uli..." Nda kati... Wa kati, "Kanana, nkabela ciyooba booboo. Uta Lu zumbauzyi."

¹³² Elyo Nda kali kwaambaula ku Muntuumwi, nkekdede kulaale mu zisaka. Taakwe basikaale, kali okuya kwa mazuba otatwe, kwakanyina basikaale okuya. Elyo Nda kali kkede mu cisaka ca musitada. Basikale taba booli nokuba... kufumbwa uvwima basikaale, ulizi kuti taba janiki mu musitada. Elyo Nda kali kkede okuya; nkabela nguwe kalyuunga canguzu kapati, kutandila teeni okuloko cifumo, elyo Nda kali kuyeeya alubo.

¹³³ Elyo Ly a kat i, "Ula vwima, nkabela yanda basikaale mbubonya buyo Abrahamu mbwakali kuyandikana mugutu wambelele."

¹³⁴ Nda kayeeya, "Lya kandaambila Kasimpe lyoonse, pele eci cimvwika bweenzu." Elyo Nda kanyamuka kuzwa Mpe kakede, kalanga koonse, "Uli kuli oyo Muntu waambaula kuli ndime?" Taakwe; guwo kalyuunga canguzu kapati. Elyo Nda kayeeya, "Sa Ndili mung'onzi a kulota ceeco? Peepe, Nseli mung'onzi. Nda kali kkede nkeyeeme cisamu awo, nkelangilila, keelede kubweza Mukwesu Wood a Mukwesu Sothmann kusule okuya, aniini buyo, kutandila teeni okuloko cifumo. Balimi boonse bakali okuya kababeleka, kubungika mapopwe abo."

¹³⁵ Elyo Nda ka Limvwa alubo, kwaamba, “Ula vwima, nkabela uyanda munyama. Mbangaye mbo yanda?”

¹³⁶ Elyo Nda kayeeya, “Lino, Nsi yandi kwiindilizya kucita ceeci, Nda lomba buyo botatwe, basikaale botatwe. Ndi yanda bana, basikaale botatwe basubila. Ndi yanda mbabo.”

¹³⁷ Wa kati, “Nkokuti kokanana kujatikizya ncico.”

¹³⁸ Elyo Nda kati, “Nda jana basikaale bana botatwe basubila.”

¹³⁹ Wa kati, “Ku nzila nzi nko batazwide?”

¹⁴⁰ “Ee,” Nda kayeeya, “Nda sika boobu, kuli Cintucimwi caambaula kuli ndime awa.” Mbubonya mbuli mbo mundimvwa kwaambaula. Elyo Leza ku Julu, a Bbaibbele eli ku moyo wangu, ulizi kuti ako nkasimpe. Wa kati... Elyo Nda kati, “Ee,...” Nda kasala busena buubaukide, mutabi wakaindi wakayumu kaulengelela okuya (kutandila mayaadi ali makumi osanwe, awo raifo yangu mpoya kadubwida).

¹⁴¹ Nda kati, “I mutaanzi ulaba mpoonya alya,” nkabela ngooyo wakaba.

¹⁴² Nda kapuka meso angu a kucebuka (Nda kanyona mutwe wangu), alimwi Nda kayeeya, “Nse yandi kudubula cilengaano.” Aboobo Nda kalanga koonse alubo, elyo mpaawo kwakkede sikaale. Nda kalongela musyonga mu ntobolo yangu, kapima, elyo Nda kakonzya kubona liso lyakwe lisiya, sikaale usubila muniini. Nda kayeeya, “Ndi—Ndi... ndiza Ndi loona, Ndila—Ndila sinsimuka mu maminis masyoonto. Mwabona, Ndi lota makani aceeci.” Ee, Nda katondeka, kadubula sikaale nkabela wakaloka kuzwa ku mutabi. Nda kayeeya, “Ee, Ta ndizi.” Nda kayeeya, “Ee, sa Nd inke okuya a kumu yandaula?” Elyo—elyo Nda keenda kuya okuya, elyo ngooyo wakalilede. Nda kamubweza a bulowa kabuzwa kuli nguwe. Ii cilengaano tacisweki bulowa, nywebo mulizi. Aboobo Nda kamubweza, nkabela wakali sikaale. Nda kaba acinywe mamingi, koonse.

¹⁴³ Elyo Nda kalanga konse, Nda kati, “Leza, oyo wali Nduwe!” Nda kati, “Ndaku Lumba, kuli ceeci. Lino Ndila unka a . . .”

¹⁴⁴ Wa kati, “Pele yebo *waamba!* Sena ula zumbauzya eco ncoamba? Wa amba kuti ula jana ‘botatwe.’ Lino nkuuli utobelwa nkwa tazwide?”

¹⁴⁵ Nda kayeeya, “Ee, ikuti na Ndila lota, Ndila zumanana.”

¹⁴⁶ Aboobo Nda—Nda kati... Nda kabweza cikwankwani cakaindi okuya, ca cisamu eco caka zambaidwe akaaka kasamu kakola. To konzyi kujana sikaale okuya pe. Aboobo Nda kati, “I utobelwa ulazwida nkoonya oko ku kasamu kakola,” elyo mpaawo kwaka kkede sikaale oyo muniini usubila kandi langide ncobeni. Nda kabikka ntobolo yangu ansi, akupuka meso angu. Kanyona alubo, Nda kayeeya... Ngooyo uli kkede, kanyona mutwe wakwe ku mabazu. Nda kadubula sikaale, elyo mpawo Nda katalika kuya ku muunzi.

¹⁴⁷ Pele kati, “Yebo waamba ‘botatwe’! Sena ula zumbauzya eco ncoamba?”

¹⁴⁸ Nda kati, “Peepe, Mwami, Nse zumbauzyi eco Nce wamba, nkambo Uli mukutondezya.”

Olu ndo Lugwalo lwaka ndifumpula: “Kutali ikuti na *Nda amba*, pele ikuti *yebo waamba*.” Kutali kuti *Jesu* wa kacaamba, pele ikuti *yebo* wa caamba lwako.

¹⁴⁹ Elyo Nda kayeeya, “Mubumwi Nda donkola mu nzila eyo, elyo Ndi lizi kuti Mpali awa nkaambo Nda tandila kuta konzya kulijata lwangu.” Nda kayeeya, “Njo bamba eci cimwi ciboneka bufuba, masimpe nconzyo.”

Nda kati, “Kuyooba sikaale usubila kuseluka kuzwa ku cilundu *eco*, kuselukila koonya ku nzila *eyi*, nkabela moonya munsi lyangu, a kuzwa, a kukkala a mutabi *ulya*, akulanga ansi ku mulimi *ulya*.” Ngooyu wakaselemuka cilundu, kazwa ncobeni, a kukkala, kalanga ku mulimi. Elyo Nda kamudubula.

¹⁵⁰ Saatani waka ndaambila, “Uliz zyi cintu na? I zisaka zizwide buyo mbabo, lino.” Elyo Nda kakkala alya mane twelufu okuloko, nkabela taakwe cintu cimbi cakacitika. Ciinka kutondezya kuti cindi Leza . . . Walo mulengi nguonya wa Majulu a nyika!

¹⁵¹ Uswilila ku kapepele, mu Jeffersonville lino, kuli mukwasyi uulikidwe kuti Wright. Mukwesu Wood a mebo twa kainka kuyo babona. Mbe babamba waini wa mulalilo iwa mbungano. Muniini Edith wakali kkede omuya mu kaanda; musimbi muniini mulema, oyo waakali kuciswa buuumi bwakwe boonse, elyo aboobo lyoonse twa kalangila kuli Leza kumuponya. Mucizi wakwe, mukamufu, mulumi wakwe waka jaigwa; zina lyakwe wakali Hattie, mwanakazi mubauba mubombe loko. Elyo kuciindi Mukwesu Banks a Mebo ni twa kaunka kuyo mujaila kasulwe, ba kajikide pai mpatti ya cheli; akundi bamba kukkala awo akulya.

¹⁵² Toonse twa kali kkede ku tafule, twa kali kwaambaula makani aceeci, cakazwa kucitika mazuba masyoonto kacitaninga. Elyo kuciindi cakukkala ku tafule, kwaambaula makani aceeci, mpoonyabiyo Nda kati, “Ncinzi catii citike?” Nda kati, “Mukwesu Wright, uli mudaala, wakavwima basikaale buumi bwako boonse. Mukwesu Shelby, uli muvwimi uukubwene wa basikaale. Mukwesu Wood, ayebo mbubonya. Nda kabamvwima kuzwida kubwana. Sa wakasola kubona sikaale mu musitada a citeo ca cisozi?”

¹⁵³ “Peepe, munene.”

¹⁵⁴ Nda kati, “Teeba kaliko nconzyo.” Nda kati, “I cintu biyo Nce zyi, Ngu Leza buyo nguonya. Cindi Abrahamu naka yandikana mugutu wambelele, Wa kali *Jehova jire*, Wa

kakonzya ‘kulibambila Mwini.’” Nda kati, “Ndi syoma kuti ncintu nciconya.”

¹⁵⁵ Elyo Hattie wansiku muniini kakkede kusule okuya, kati, “Mukwesu Branham, ako Nkasimpe ncobeni!”

¹⁵⁶ Waa kaamba cintu ciluleme! Cindi na kaamba booboo, Muuya Uusalala wakalokela mu nzila eyo alubo, umwi aumwi wabo wa Ka umvwa. Nda kabuka, Nda kati, “Mucizi Hattie, MBUBOOBU MBWAAMBA I MWAMI, waamba ijwi liluleme mbuli mwanakazi muna Sirofonia ndya kaamba. I Muuya Uusalala kuuambaula kuli ndime lino, aku ndaambila kukupa kuyandisya kwa moyo wako.” Nda kati, “Lino, ikuti na Ndili mulanda wa Leza, ikuti na mbokubede, ciyo citika. Ikuti na Ta ndili mulanda wa Leza, nkokuti Ndili mubeji, nkabela ta cikocitika, Ndime silweeno.” Nda kati, “Lino soleka akubona, na Muuya wa Leza na pe.”

¹⁵⁷ Waa kati, “Mukwesu Branham,” (bantubonse bakali kulila), kati, “ino Nda lomba nzi?”

¹⁵⁸ Nda kati, “Uli jisi mucizi mulema ukkede alya.”

¹⁵⁹ Nda kajisi madola ali makumi obilo mu nkomo yangu, ya kumupa, eyo nja kabikka mu kusanga. I mwanakazi tapangi ntalisyo itandila ku madola ali myaanda yobilo mu mwaka, aa mpulazi eyo, niini, itakweankoiya yakaindi, waloo a balombe bobilo. Bana bakwe balombe bakabede ba ‘Ricky,’ bazizilwe muciindi ca zikolo, nywebo mulizi, a kutalemeka banyina; myaka ili kkumi ayosanwe, kkumi acisambomwe yakukomena. Elyo, oh, bakaliimvwi alya kabaseka eco Nce kali kwaamba.

¹⁶⁰ Elyo Nda kati, “Mu jisi bauso a banyoko bakkede awa abo bakacembala. To jisi mali pe. Lomba mali, ubone na ta kosika aa maulu ako. Lombela mucizi wako, ubone na tako buka a kweenda.” Nda kalizi mpawo, mbuli Jobu, kuli cintucimwi ncozi cindi wa cuuma. Kati, “Ndi lizi! Mpaawa Nda ima kumbele ya bantu batandila kuba kkumi,” Nda kati, “ikuti na eci cita citiki, nkokuti Ndili musinsimi wa bubeji.”

¹⁶¹ Kati, “Ino Nda lomba nzi?”

¹⁶² Nda kati, “Cili kuli nduwe kupanga kuli salila. Nse konzyi ku kusalila.”

¹⁶³ Waa kalanga koonse, mwanakazi muubauba. Elyo mpoonya biyo, waa kati, “Mukwesu Branham, kuyandiya kwangu kupati mu moyo wangu ndufutuko lwa bana bangu balombe bobilo.”

¹⁶⁴ Nda kati, “Nda pa ku bana bako balombe, mu Zina lya Jesu Kristo.” Elyo balo kabanyeckanyeka, akuseka, balombe bafubaazya bakawida aa mabelo aa banyina, a kupa maumi abo kuli Leza, nkabela bakazuzigwa Muuya Uusalala mpoonya awo.

¹⁶⁵ Nkaambonzi? Ako Nkasimpe! Leza uli jisi bwami bwa kundi jaya, kumbele lya bantu aba ku cisi coonse. Bunji bwanu awa a mu Jeffersonville, Nda konzya kumvwa cikombelo ka compolola

lino kuti, "Ameni!" nkaambo bali kkede mpoonya aw kaba ciswiilila. Mwabona, nkaambo kalo Nkasimpe! Ino ncinzi? Nku cindi Leza, kwiinda ku luzyalo Lwake luaptikampatila; cila citika! Kunze lyaawo, ta cikacitiki.

¹⁶⁶ Mu ciindi eco cikataazya . . . Amuyeyeye baalumi a bantu Mbe zibilene abo. Leza kaindilila basimpupo boonse, a zintuzyonse, ku kupa mwanakazi, mucete muubauba wansiku mubombe, uutakonzyi kusaina zina lyakwe mwini; nkabela Wa kalizi eco Nca kalino lomba. Alimwi eco cakai cintu cipati maningi; nkambo mucizi wakwe lino ulifwide, a banyina a bawisi beelede kuyoofwa, mali bakaloba, pele buntu bwa mulombe wakwe Mbutamani! Alimwi elyo lyakali oora lyabo ku Ci jata. Elyo Mbwe kambila buyo kuti, "Nda pa bana bako balombe, mu Zina lya Jesu Kristo," mbaabo bakawida aa mabelo a banyina. Mbangaye bali omun bazi kuti ako Nkasimpe, muli cizi na? [Mbunga yaamba, "Ameni."—Mul.] Mwabona? Mbo mbubo. Iiyi. Nkaambonzi? Bunanike!

¹⁶⁷ Lino: "Nda ka Kumvwa, kuto Wa kali kukonzya kulenga basikaale; Nda ka Kumvwa, kuti Wa kali kukonzya kulenga mugutu wambelele; pele lino Nda Ku bona, a meso angu eni!" I luyubunuko, cilengaano cakabambwa kulibonya. Cindi Leza nakasyomezya cili conse, nce ncico Neayo cita.

¹⁶⁸ Amubone, cindi wano jisi kubula, antela mbuli Joshua. Wa kajisi kubula; Ta kalanganya ziimo, wa ka caamba, nkabela cakali ca Leza! Sena mula syoma kuti zuba lyakaima nji? Mbebo Nda cita. Mbobuti mbo caka cita? Muta soli ku cimvwisya, pele caka cicita. Joshua waka cicita, a kutambika maanza akwe; mu ciindi eco cikataazya wa kajisi nzila kuli Leza, nkabela nce cintu cakacitika. Cakali ciindicelede. I Muuya wa Leza muumi waka bona kubula kwa ncico, nkabela wakatonta Joshua kuti acaambe. I Leza nguonya waka bona kubula kwa Abrahamu. I Lezanguonya wakabona kuyandikana kusimpikizya kwa Lugwalo olu kuli ndime, kuti *olo* Lugwalo ndwa kasimpe, alwalo! I Leza nguonya wakabona kubula kwa balombe abo bakakanzidwe, alimwi cakali ciindi eco Na kacitondezya a kusimpikizya Ijwi Lyakwe.

¹⁶⁹ Musalali Marko 14, tula bona mwanakazi kuti waka Mu syoma, waa kajisi kubula a kubona kuti Wa kali kuyandikana kusanzya matende Akwe, waa kacita biyo kunanikwa kuti anjile mu ncito. Lino amuswiilile kabotu mbuli . . . katutaninga kujala. Waa kayandika biyo kunanikwa kuti anjile mu ncito, nkambo waa kavwide kale kujatikizya Nguwe. Waa kavwide kuti "Wa kajatila zibi zya mwanakazi, muvuule. Elyo wakati, 'Nguni umwi wanu uutakwe cibi? Kowaala bbwe litaanzi.'" Waa kavwide kujatikizya Nguwe, pele lino waka Mu bona. Waa kali nanikidwe kuti a Mu belekele. Eco nce cintu biyo nco mweelede kucita.

¹⁷⁰ Lekela Muuya Uusalala ukwaambile kuti “Nduwe sizibi!” Lekela Muuya Uusalala ukwaambile kuti, “To lizi!” Lekela Muuya Uusalala ku kutondezya ku Magwalo kuti “To lizi Camalembe!” Alimwi ino... nkaambo Uyo kopa biyo kwiinda ku nzila yomwe itonkomene ya Lugwalo loonse lwa Leza, Tau kaindilili cintu. Ikuti na wa cita, Tau kakugwasyi pe. Nkaambo Muuya Uusalala inga wa Ci nanika kuli nduwe, ikuti na buntu tabululeme a Leza, mbuli mbo twa kainda m mvwiki eyi, ta cigwasyi pe akwalo. Amuyeeye, bantu bananikidwe cabubeji bayo buka ku mazuba akumamanino; kutali ba jesu babeji, ba kristo babeji (bantu bananikidwe), nkabela bayo cenga Basale mbabonya ikuti na kwakali kukonzeka.

¹⁷¹ Amubone, waa kajisi mulimo waku Mu citila. Waa kali Mu mvwide, lino waa ka Mu bona a meso akwe. Wa kajisi mulimo wakucita, alimwi ta kajisi cintu cakucita anguwo. Aboobo waa bindila kumbele nnekuba, ku kucita mulimo, Leza wapa maanzi a zisansamuzyo zya kusanzya matende Akwe. Wa kamvwide Leza muumi, buumi bwakwe boonse, pele lino waa ka Mu bona a meso akwe. Waa kalizi kuti Nguwe, a bunanike bwaka muvumpa, elyo wakati, “*Oyu mutumwa!*” Wa kabulide mulimo (ta kajisi cintu cakubelesya ku Mu belekela), matende Akwe akajisi tombe. Pele waa kabindila kumbele nekuba, kuti Amu citile mulimo, nkaambo waa kali nanikidwe kuti aucite.

¹⁷² Omembala wambungano wakawa, sikabungwe mwaalumi na mwanakazi, sa tokonzyi kubona kubula Jesu nkwa jisi sunumasiku? Ikuti na bunanike bwakonzya biyo kukubumpa, eli nde oora lya kucicita. Pele waa ka mubona a meso akwe. Bamwi akwalo bakali ku Mu sabula. Teeba kasyoma Mulumbe Wakwe. Mukasimpe, sikutamba, sikutamba mweembeli, wensiku Simooni waka Mu tolede kunselelo okuyo kuyo Mu fubaazya. Teeba kasyoma kuti Wa kali musinsimi.

¹⁷³ Aboobo mpawo cindi nicakaboneka kuti dyabulosi waka cibambide kweelela kuli nguwe kwaamba ceeci, wa kati muli nguwe lwakwe, “Ikuti na oyu muntu nali musinsimi, naaziba musyobo wa mwanakazi oyo wakali ku matende akwe. Ikuti na wali musinsimi!” Mwabona, tii cakayubununwa akwlo kuli nguwe Oyo Mbwa kabede. Kwakanyina bunanike bumwi bwakonzya kumuvumpa, nkaambo taakwe cintu caku vumpa. Pele kwa kavumpwa kuli nguwe!

¹⁷⁴ Meso akwe akabona kwiindilila kukazya kwakwe. Waa kasyoma kuti Wa kali nguwe, mwabona, Ijwi lya basinsimi. Waa kalizi kuti oonse Ayo akali Majwi aa basinsimi, aka simpkizigwa muli Nguwe. Waa kali Mu mvwide aa nyika, pele lino waka Mu bona. Amulange cintu ncakacita. Waa kabona Ijwi kaliba mu mubili wabuntu, Mesiya, Emanueli. Cindi na kapa cipulo ku dutaana kwa lusyomo (lwa ciyubunuzyo ca Obo Mbwa kabede, mu ciindi cakali kupona, kuti Wa kali Kabelele ka Leza ka basizibi bali boobo mbuli mbwa kabede), waa kaunka

kuyo kutauka kubula Kwakwe kakutakwe kuziba nzila mbwa kalino cicita.

¹⁷⁵ Eyo nje nzila ya kuponesegwa kwini yasika, cindi kwa yubununwa kui nduwe cuti “Wa kayaswa nkambo nsotoko zyanu, kacuzaaulwa nkambo ka milandu, elyo ku mibunda Yakwe *mwa* kaponesegwa.” Cindi cananikwa kuli nduwe kubona Busyu Bwakwe awa, ku Musalali Marko 11, na, Musalali Luka 17:30, cuti Uyo liyubununa Mwini ku mazuba akumamanino (akati ka bantu Bakwe, mu mubili wamuntunsi) mbuli Mbwa kacita kumbele lya Sodoma. Cindi wabona eco, nkabela cintucimwi cila kuvumpa!

¹⁷⁶ I dokotela inga wati, “I kkulenge nkolicili.”

¹⁷⁷ I mulwazi inga wati, “Ta—Ta—Ta—Ta—Ta mbweyo enda, pele Ndiyo enda nekuba.” Ta tuzyi mbo ciyooba cita.

¹⁷⁸ Waa kaunka kumbele kuyo Mu belekel, nkaambo bunanike bwaka Mu vumpa... wakamuvumpa, cuti lya kali oora, oyo wakali Mutumwa, oyo wakali Mesiya Wa keelede kuponya, nkabela waa ka Ci syoma. Elyo Wa kali kuyandikana mulimo kucitwa kuli Nguwe, nkabela Waa kaunka kumbele kakutakwe cimwi cakutondezya cuti waa kali kukonzya kucicita. Waa kaunka buyo aaa bunanike bakwe. Amulange! Leza waka donkola kasensa ka magilandia aamisozi mu meso akwe. I meso ngaonya ayo akamvwa... matwi ayo aka Mu mvwa; meyo ayo aka Ci bona, kapasukula mu lutangalo. Mpawo cimbi eco, masusu aakapegwaa aa Leza, a misozi kiimbulumuka. Leza wapa zisansamuzyo zyakwe (a masusus akwe), a misozi yakwe. Wa kakutaukila kubula Kwakwe, kubula kwa Leza Muumi. Wa kamvwa kujatikizya Ncico, pele lino waka Mu bona, waa kakonzya ku Mu citila mulimo.

¹⁷⁹ O sizibi! Nkaambonzi tociti mbubonya mbuli mbo bona kubula lino? Kuti Walo uyanda nduwe, mulimo wako! Lino wabona Umwi, Oyo ngo kamvwide lumwi kujatiikizya mu Bbaibbele. Twa ka Mu bona busiku bwainda kanjila omuno, a cintu Nca kacita. Tula Mu bona, muswaangano a muswaangano, alimwi ziindizimwi tu kkala buyo ca kutontola a ntuncimwa, kwaamba, “Iiyi, Ndi lizi cuti Lugwalo lula caamba. Oh, Nda—Nda kacibo kacicitwa, mwabona.” Ta tujisi kuyandisisya kupati, buboneka kuta tuvumpa kabotu. Eco ta caambi kuba cintucimwi, mbuli cuti wali kutila . . .

¹⁸⁰ Kubweza mancisi a kuugwalula, ikuti na mancisi tau jisi salufa eeni amutwe wa mancisi, taukonzyi kugwalula. Alimwi ula konzya kugwala a kugwala a kugwala, pele ikuti na musamu umwi wakanyonganya salufa alya, tau kagwaluli, takukabi mumuni. Pele ikuti oyo musamu, salufa kugwalula aa cibulo kuyo . . . ucinooliko awo cindi wagwalula, uyo mweka.

¹⁸¹ Elyo cindi kusimpikizigwa, kwini ncobeni kwa Magwalo aa Mulumbe wa buzuba obu bwamamanino, elyo wa bona

Busyu bwa Jesu Kristo, kwalo wa kalimvwide eco Nca kacita mu buumi Bwakwe, a kumvwa Magwalo kati “Ngu mbobuca nguwenya, sunu, amuya myaaka”; alimwi kakutanaba buyo ciimo ca Sodoma akusuka kwa bukali bwa Leza, kubona Jesu kabweeda akati ka bantu Bakwe, wabambwa mu mibili wamuntunsi, a kuciita cintu nciconya Nca kacita. Ma! Ce elede kuvumpa buntu bwesu ku Bulemu! Ceelede kucita cintucimwi kuli ndiswe. Nkaambonzi? Ci lokela ali ceeco.

¹⁸² Wa kamvwa mu Bbaibbele eco Nca kacita, obo mwanakazi mbwa kaguma cikobela Cakwe. Wa kanyona a kumwaambila penzi lyakwe mbolya kabede, a lusyomo lwakwe lwaka muponya. Lino, Wa kasyomezya kuti Uyo cita eco cintu nciconya alubo, inyika kiitana buyo kuyo umpwa, a inyika niyooba mu ciim ca Sodoma. I Cizuminano Cakale, Musinsimi, Musinsimi wa Leza, Musinsimi wa basinsimi, Leza wa basinsimi boonse, buzule bwa Buleza camubili, Leza wa . . . katondezegwa mu mibili, Mulengi, wa Matalikilo. Aleluya! Ndi Ijwi Lyakwe! Wa kaamba kuti ciyo citika! Alimwi tula bona ciimo ca Sodoma, tula bona inyika mu ciimo eco, lino tula Mu bona kaseluka a kucita mbubonya Mbwa kaamba kuti uyo cita. Lino, twa ka Muvwa, lino twa Mu bona! “Nda ka Kumvwa a matwi angu, lino Nda Ku bona a meso angu.” Amen! “Nda Mu bona a meso angu eeni.” Ino lyeelede kuba oora! Ino ceelede kuba ciindi! I kusimpikizigwa kwa Ijwi Lyakwe! Lyoonse cindi Ijwi lya simpikizigwa, oyo ngu Leza ukanaana mu Ijwi Lyakwe, kalibamba kulibonya Mwini cakuti inga mwabona.

¹⁸³ Lino, ngooyu muvuule wensiku muniini wazwa mu kagwagwa, waa wida aa cipaililo, kumbele lya Jesu, nkabela waa kasanza matende Akwe a i—a msozi, alimwi—alimwi akupukuta kubelesya masusu akwe. Leza wakalemeka, Wa kati, “Kufumbwa oko Makanimabotu aya nkwano kambaukwa, acikaambwe eci ku ciibalusyo cakwe.” Nkaambonzi? Amulange mbwakali musofwi maningi, pele cintucimwi cakamuvumpa. Waa kabona Ijwi lya cisyomezyo, kuzwa ku muunda wa Edeni, olu, “Lunyungu lwa mwanakazi luyo cuzaula mutwe wa nzoka.” Waa kabona Mesiya eyo wakazyalwa kuli nakalindu.

¹⁸⁴ Waa kamvwa kuti Wa keelede kuyo zyalwa kuli nakalindu, pele ba kamvwa oyo Muntu kuti wakali aa nyika. Waa kamvwa kuti kwakali Rabi mukubusyi, Musinsimi, Oyo wakaponesya baciswa. Waa kasyoma eco! Elyo ngooyu waselemukila mu kagwagwa, keenda koonse, a kulanga koonse. Elyo waa kalanga okuya a kubona pati eyo mpati kiiyabuya. Waa sweemukila ku lubaya, a kusondela, nkabela Ngooyu mbwakabede. Ngooyu Mbwa kabede! Cintucimwi cakati, “Ngo Nguwe!” Mwabona, nku koonse nkawakali kuyandika kunanikwa. Mwabona eco cakacitika? Waa kabona Ijwi lya Leza kaliba mu mubi wabantu. Waa kalimvwide a matwi akwe, lini waa kabona meso akwe.

¹⁸⁵ Lino, bantubonse balizi kuti tu jisi cisyomezyo ca cimo ca mbungano, ku buzuba bwamamanino. I mbungano, mu ciimo

cayo calino, tai konzyi kuzulizya milao ya Leza, malailile mapati, konzyi kwiita kugusya Nabwiinga. Njiili inga yacicita? Iya Pentekoste? Nsyé elede kwaamba. Taakwe amwi abo. Eco ncikwa cilaali whiiti. Ca kazwa, cilibonya mbubonya mbuli whiiti, pele kwakanyina whiiti kuli ncico. Ca kajuka, pele museke ulazwa kuli ceeco. Bapanga kabunga, bali jaya beni. Mpaawo mpo bafwida. Bali nzikuba. Pele whiiti ila yutuka kwiinda awo, alimwi lino italika kupanga kuba bube bwa Nabwiinga. I bulotwa bwa whiiti obo bwakawida mu bulongo kwiinda mu makkalo aamusinze, yakacita kufwa.

¹⁸⁶ Oyo sikukazya kaamba kuti, “Nkaambonzi Leza wa luse ku, konzya kujula Lwizi Lusalala, kwiima akulekela Banakristo bacete kuligwa ku balavu, a kuumpwa, a zintuzyonse? Kabamba, mbuli buyo Mbwa kaseka kujatikizya nkuko!” Sikubula luzibo mucete! Sa takazi kuti, “Citakuti bulotwe wa whiiti bwawida mu bulongo”? Bwa keelede kufwa kwiinda mu makkalo ayo aamusinze, mbuli bulotwe bumwi bwa whiiti bwakacita kuya kunsi lya nyika a kuzikkwa, ku kuzyala matu obilo mu lubambululo lutaanzi akwa Luther, cikuba. Bwa kacita kuyutuka muli bana Wesley, kulaale oko, ku kuzyala poleni, ngalala, bukkalo batupati bwa bumissionari. Wa kayutuka mu Pentekoste, ku kuboozezya kwa zipego, kutandila kucenga Basale mbabonya. Boneka mbuli museke wa whiiti, kuujula, taakwe whiiti omuya pe, ncikwa buyo. Pele kaindi omuya, mpawo, baka talika kupanga kabunga ka bumwi, kabunga ka triniti, kabunga ka bubili, a kabunga ka mbungano ya Leza, elyo toonse kubunganisiga, nkabela lufu buyo nconzyo! Elyo lino ncinzi cicitika? Pele nciyusilo ca whiiti, cakali kukomena kwiinda muli ncico ciindi coonse.

¹⁸⁷ Lino citalika kusomoka, whiiti watalika kuboneka. Obu tabuli bukkalo bwa Pentekoste. Obu mbukkalo bwa mazubaancaalizi. Obu mbukkalo bwa Nabwiinga. Oyu Mumuni waku mangolezya. Eci nce ciindi Malaki 4 ni eelede kuzulidigwa, ku tobela bubambe bwa Leza. Eyi ngu Luka 17:30, yeelede kuzulizigwa. Obu mbwabili... Alimwi Jermiya, a boomwe bamwi babo, kuti Joeli wa kaamba zya mazuba aya, obu mbuzuba obo. “Nda kamvwa, Mwami, nkabela Ca kali kuboola, pele lino Nda Ci bona a meso angu.”

¹⁸⁸ Nekubakuti banji... kuvula kwa basikukkopela babeji bayo buka, ba Janesi a Jambre atooze twabo toonse twa kucitya zintuzyonse Musa nzya kacita, tiiba kamuzungaanya nanka Aroni pee. Ba kalizi oko...mbuli Jobu, bakali muzyi Oyo wakabapa bunanike. Bakali Bu zyi kuti bwakali bwa MUBOOBU MBWAAMBA I MWAMI! Alimwi Bbaibbele ndilyonya zyaka baamba, kuti, “Bayo boola ku mazuba akumamamnino, basikukkopela.” Oto tubungwe twabukombi, cindi cintucimwi catalika... Nguni wakatalika lutaanzi? Musa

na balo? Ikuti na mba katalika lutanzi, Musa na kaba i—i sikulicengeezya.

¹⁸⁹ Lino tuli jisi misyobo yoonse ya basikutweluka a zintuzyonse zimbi zya kusola kusowa mizeezo yanu kuzwa ku cintu cini ca Leza, eco Leza ncatondezya kuba Kasimpe kwiinda ku Lugwalo Lwakwe. “Twa ka Cimvwa a matwi esu, lino twa Ci bona a meso esu.” Amen! Sena mula Bu syoma? [Mbunga yaamba, “Ameni.” —Mul.] Ayoonse myoyo yesu! Bunanike! Elyo ku buzuba obo cindi Mwana wa muntu ano yubununwa, Mwana wa untu, Jesu Kristo wayubululwa akati ka bantu Bakwe.

¹⁹⁰ Ii muntu wakaselemukila okuya kumbele ly a Abrahamu a nkamu yakwe, Muntu buyo wakali kuboneka walyoonse, lusuko ku zikobela Zyakwe. Wa kapede sule Lyakwe ku tente, Wa kati, “Uli kuli mukaintu wako Sara?” (kutali S-a-r-r-a, S-a-r-r-a-h; A-b-r-a-h-a-m, kutali A-b-r-a-m). Wakaita zina lyakwe, wakati, “Uli kuli walo?”

¹⁹¹ Kati, “Uli mu tente, kunze Lyako.”

¹⁹² Kati, “Njo muswaya kweendelana ku ciindi ca buumi” (elyo waa kasekela mukaziye). Kati, “Nkaambonzi waa sek?” (Uh-huh). Lno, Wa kasyomezya. Balo bantu mbaabo bakali kulangila mwana wa cisyonmo.

¹⁹³ Lino, Ta ndikwe makani kunji bantu mbo balilemeka mu tubungwe otu, kuti ba “langila Kristo,” micito ilatondezya kuti taba citi. Mbo mbubo. Micito yanu ilakanana maningi kwiinda majwi anu. Boonse bayeeya makani a kupanga mamembala aatubungwe, pele kuli bantu bamwi, omwe awa a kokuya, abo balangila Kuboola kwa Mwami. Ba langila... nekuba. Kuli baabo biyo Nkwayo liyubununa Mwini, abo biyo bayoomvwa.

¹⁹⁴ Citabuyo Basale mbeba kamvwisyia kuti Wa ka Lini. Amuyeyeye buyo, kuli bantu ndiza batandila ku miliomi, ba Juda, aa nyika, kwakanyina wanitheedi yabo bakasola kuziba kuti Wa kaliko mane Na kamana kusika a kuunka. Mwabona? Pele Wa kaliyubununa Mwini kuli baabo bakali kulindila: Johane Mubapatizi, a—a baapostolo abo bakaitwa a Johane, abamwi bambi, a Ana moofu mu tempele, Simioni mupaizи kuti, “ca kayubununwa kuli nguwe ku Muuya Uusala kuti wa kali kuyo mubona Kristo.” Boonse aba basololi bapati babukombi, basiliiyo lwabukombi a zintu, cakofwaala mbuli mboba kakonzya kuba!

¹⁹⁵ Imvula ikonzya kumeneka mbuto, ikuti na mbuto ilibambidwe kale awo. Elyo mbuli mbokali nseke lutaanzu muli bauso, nkabela tiiba kakuzi pe, nekubaboobo wakali muli bauso. Pele kwiinda kubusena bakuzyalila bwa banyoko, wa tondezegwa mu cikonzya cabo, elyo mpawo ba kakonzya kwaambaula kuli nduwe. Leza, Leza mupati; ikuti na ujisi Buumi Butamani, nkokuti nseke ya Buumi Butamani yakali muli Leza ku matalikilo. Elyo wa kaliko, wa kali mu kuyeyya

Kwakwe, zina lyako a zyoonse. Elyo Walo, ku Kuzibakale, waka kusala kubona Eci. Alimwi nywebo nomwa takasalwa, tamuka Ci boni. Pele, amuyeeye, mu Zina lya Jesu Kristo, “I oora lilaano!” Sa tamuko Mu syoma? Amupe maumi anu kuli Nguwe. Nde elede kuleka, Caindilila a naini.

Atu kotamike mitwe yesu.

¹⁹⁶ “Nda kavwa, Mwami, nzya Nduwe, lino Nda Ku bona!” Mwami Jesu, longezya bantu ab mbuli mbo balindila.

¹⁹⁷ Lino Ndila mubuzya mubuzyo. Ndila lekela Muuya Uusalala (Nda syoma kuti Ula cita) kulingula mizeezo yanu, ku musoleka, kusoleka buntu bwanu, a kutona ikuti a mula syoma neconzyo. Elyo ikuti na mwajna kuteeti kuli kuzumbaunya kuniini okuya, sa ula tambika janza lyako? Kwaamba, “Mwami Jesu, andi Ku bone. Nda ka Kumvwa, pele Nsenya Ku bona neconzyo. Andi Ku bone, Njo syoma.” Ncibotu. Kuli kabotu.

¹⁹⁸ Sa kuli umwi awa uta Mu zyi mbuli Mufutuli wako? Tambika janza lyako, kwaamba, “Ikuti . . . Ndime—Ndime sizibi, pele ikuti Nda . . . ikuti Wa—ikuti Wa ndilekela ku Kubona, Mwami Jesu, tondenza Ijwi eli ndyo baambaula. Ndi lizi kuti obo Jobu mbwaka Ku bona. Ndi lizi kuti obo Abrahamu mbwaka Ku bona. Ndi lizi kuti obo boonse bamwi babo mbobaka Ku bona, nkaambo lyakali Ijwi Lyako lyaka syomezegwa muku simpikizigwa. Nda kavwa misyobo yoonse ya zintu, a tooze twa mancenjela a zintuzyonse, pele Nda kamvwa kuti kuli Mulumbe a buzuba bwamamanino mu nyika, oyo wakaambwa a Angelo ku mulonga, mu 1933. Nda kamvwa milomo yakupoesya kaiyabuya, alimwi Ndi lizi cindi eco cicitika, ta cikonzyi kukkanala mu kagelo ako nkoonya kakaindi kakabungwe.” Tii caka tuminwa eco, tee caka kkala awo. [Kabeela katakwecintu aa teepu—Mul.] . . . ? . . .

¹⁹⁹ Ino kuti Musa na kaboola, kati, “Atu yake bwaato mbuli Nowa mbwa kacita, ku bwiimpausya kuzwa ku Egepita kuselemukila aa mulonga”? Oh, peepe. Mwabona? Peepe! Wa kajisi Mulumbe kuzwa kuli Leza, wa kali luyubunuko. Oyo musinsimi kabuka aa cilao, kweelede kuti katondezya kuli Israyeli mpoonya alya. Ba kanyina musinsimi kwa myaka ili myaanda yone, ba kanyina musinsimi, elyo mpaawa kwakabuka musinsimi aa cilao. Ba keelede kuziba kuti cintucimwi cakali kuyo citika.

²⁰⁰ Israyeli alimwi tiiya kajisi musinsimi myaanda ya myaka, elyo mpaawa kwakasika Jesu aa cilao. Elyo mwanakazi ku mukalo, wakati, “Munene, Nda Ku ziba kuti uli musinsimi. Lino, tee twa kajisi omwe kwa myaka ili myaanda yone.” Nkaambo, Wa kaziba eco cakali mu moyo wakwe. Mwabona?

²⁰¹ Lino, twa kasyomezegwa bukkalo bwa mbungano kwiinda muli basilubambululo, nakabela twa kali bajisi. Pele Wa kasyomezya, muli Malaki 4, kuti Uyo bamba bubambe Bwakwe mu mazuba akumamanino, eco ciyo citika, “Kujosya myoyo ya

bana ku Lusyomo lwa matata a cipostolo.” Ku bukanze obo mbubonya! Aimwi mbungano ili pambukene loko mu tubungwe a tulengwa twabuzumini, ya kazapaulwa kusikila ili fwide; yakali ciyumuzyo. Elyo mpawo Wa kasyomezya, mu oora lya Mulumbe wa angelo waciloba, Zinamatizyo zili Ciloba ziyo yubununwa; a maseseke aa Leza ayo tondezegwa (Ciyubunuzyo 10) cindi angelo waciloba akutalika kulizya Mulumbe wakwe, kutali mulimo wakuponya, Mulumbe oyo utobela mulimo wakuponya.

²⁰² Jesu wakali “mulombwana mulemu” kufumbwa kuti Wa kakonzya kuponya baciswa. Pele cindi Na kati, “Mebo a Taata Wangu tuli Bomwe.”

²⁰³ “Huh-uh! Oko kwaka lubila!”

²⁰⁴ Jobu wakali “mulemu,” kusikila cintucimwi cakacitika kuli nguwe. Mwabona? Cakali boobo lyoonse.

²⁰⁵ Kosyoma! Sa uyo Mu zamina lino? Tambika janza lyako, kwaamba, “Nda Mu syoma. Ndi yanda ku Mu zamina.” Leza aku longezye. Leza aku longezye. Kuli kabotu.

Lino atubatame nconzyo a kupaila asyoonto.

²⁰⁶ Oyandwa Leza, mu kaindi aka kasetekene, ciyooba ciindi mbuli ceeci cindi nikuyooba kukamba kwini kwa munzumo buzubabumwi, nkabela Mwana wa Leza uyo seluka kuzwa ku majulu a koongolola, a jwi lya Angelomupati, a mweembo wa Leza, bafu muli Kristo bayo buka. Elyo umwi aumwi wesu ulizi a kumvwisyu sunumasiku, Taata, kuti tuyos vwilila ijwi lyoonse ndyo tupa a jwi lyoonse ndyo twaaamba. Noiba miyeeyo eyo ili mu myoyo yesu, tuyos ivwiilila. Nda Ku lomba, Leza, mu Zina lya Jesu, kuti Uyo salazya moyo oonse uli omuno. Salazya moyo wangu, salazya myoyo ya bantu aba. Alimwi akube kutu tubambwe, Mwami, alimwi meso esu akumuuya ajulwe sunumasiku ku kubona Bulemu bwa Leza Singuzuzyonse. Twa ka Kumvwa, O Taata Leza, twa komba kuti Uyo tulekela ku Mubona. Ko cipa, Taata. Kopa zilongezyo ezi, Nda komba, kwiinda mu Zina lya Jesu Kristo. Ameni.

²⁰⁷ Koyeeya: Mu moyo wako, awo mpo kkede, bamba cipaililo cako ciini. Koamba, “Mwami Jesu, njila mu moyo wangu lino. Kondipa cintucimwi ku... cintucimwi Nce konzya kujata. Andi mvwe bunanike obo bundaambila kuti Yebo ‘mpoli.’”

²⁰⁸ Lino, ino nkaambo kakumbamba ku bantu! Ino ii—ii ncintu cakucita! Lino Ndiyo lomba Mwami Leza, lomba...

²⁰⁹ Muli bongaye nomu bweza mateepu? Mwa kamvwa zya: *Ino Nciindi Nzi, Baalumi?* Sena twa katondezya mamagazini ayo a zintu, mwaka kacitana citika? Sayaansi yaka lifumpula kuli ncico. Ngooyo Mwami Jesu wakasamikwa musyini a ciwigi eci cituba mbuli mbo mubona mu Bbaibbele, mu Ciyubunuzyo 1, a Daniele, Mubetesi Mupati wa Julu a nyika. Mpoonya alya, cindi

sayaansi noita konzyi ku Ci bona lwayo. Elyo mu buyake bupati bwakweembelela zyakujulu, okuya mu Universiti ya Arizona alimwi kuselemuka kwiinda mu Mexico, bala lingula, bali kucita kwa myaka yobilo yamamanino. Elyo mpaawo cakaambilwa ndinywe, ca kali “kuyo citika,” kale.

²¹⁰ Ino kujatikizya muzuzumo wanyika waku Alaska? Amulange Hollywood kaiwida mu lwizi! Amulange a kubona ikuti ta citi. Tana ndaambila cintu cili conse cilubide, iyo cicita. Mwabona? Elyo amulange buyo a kubona ikuti na ta tuponi ku maora akajala kwa makani. Taakwe mutnu uzi oora Na boola. Pele Ndi zyi cintu comwe: Nda syoma, mu ciimo cangu calino, ikuti Ndili mu kuyeeya kwangu kululeme, alimwi ikuti na Nse kali Munakristo, Inga ncobeni ndayanda kuba Munakristo wini wa Bbaibbele, kutali sikabungwe. Uta yaamini aakuti nkaambo wa koogolola. Twa cimvwaa eco cifumo cino, kucitondezya ku Ijwi lya Leza; kuli zwide ku luyando lwa Leza cakumaninina, takacita cintu cita kuleta lufu. Utabi mu cikuba, koba mu Buumi. Wabona? Koba a lusyomo muli Leza.

²¹¹ Sena mula syoma kuti Leza wakapanga cisymezyo eci, cakulibonya Mwini, mu Bbuku lya Matalikilo, a kulibonya kuli Abrahamu a kucita maleele ayo... Oyo Leza nguonya wakaba mu mibili wabuntu, mibili wamuntunsi, wakazyalwa kuli nakalindu. Eyo yakali theofani okuya, mubwini, pele mpaawo cindi Na kaboola mu mibili wamuntunsi nkabela wakali Muntu nguonya, a kucita zintu nzyoonya,... Sena mula syoma ikuti na Leza wakonzya kujana mutnu, oyo Ngwa kasyomezya kweendelenia kuli Malaki 4, nzila eyo Nja kakonzya kwaambawidamo, Wa kacita cintu nciconya Nca kaamba kuti Uyo cita okuya? Sena mula syoma obo? Nda syoma inga Wa cita, ambebo.

²¹² Sena mula syoma kuti inga mwaba a lusyomo lwa kuguma cikobela Cakwe, lusyomo Lwakwe kuguma cikobela? Sena mula syoma calino kuti cintucimwi cila kanana ku moyo wanu eco cinga camwaambila kuti mujisi lusyomo lwa kuguma cikobela Cakwe? Ula syoma inga cita eco na? Ko tambikizya a kuguma a lusyomo lwako mpaawo, kutali kulimvwa, a lusyomo buyo lunjoloma, lusalala ncobeni. Koamba buyo, “Mwami, Nda syoma. Nda syoma a moyo wangu oonse. Ndi yanda kuti Undi gume nkaambo Nda—Nda ka Kumvwa kucicita, lino Ndi yanda kucibona a meso angu eni.”

²¹³ Elyo Nse konzyi kukuguma. Ci tola Leza kucita kuguma. Sena ula syoma kuti Ula cicita? [Mbunga yaamba, “Ameni.”—Mul.]

²¹⁴ Ndi langide kusule nkoonya ku lumwensi lwangu. Ku boneka kuti kuli nzila, baanga, mbuli Mbwe amba, ikwelela kooko. Mukuti Nda cilailila boobo, lino caboola mu mubotuloko. Walo mulindu uukkede alya a mulumi wakwe. Ta zwi kokuno. Uzwa

ku Texas, Dallas. Ula ciswa, a mulumi wakwe awalo ula ciswa. Walo uciwa buyumuyumu bwakusilikwa, waa kajisi kupandulwa. Mbo mbubo. Mulumi wakwe uciwa cintucimwi ku musana wakwe, penzi lya musana. Ba. a Muka. Corbet, bazwa ku Texas; Dallas, Texas. Ikuti na mbombubo, nyamuna janza lyako. Ndi mweenzu kuli nduwe. Sa mbo mbubo? Taakwe nzila kuli ndime ya kuziba ceeco. Ino ncinzi? "Nda ka Kumvwa ku matwi, lino Nda Ku bona." Mwabona Nce wamba na? Lino amubuzye banabukwetene abo. Nsena babona mu buumi bwangu. "Nda ka Kumvwa a matwi, lino Nda Ku bona a meso angu."

²¹⁵ Ikuti wakonzya kusyoma, Leza ulakonzya kupa eco nco bulide.

²¹⁶ Oyo mwaalumi ukkede alya a janza lyakwe lila atala akalezu kakwe, ujisi kufundilila oko kwabulowa kwindilide. Ula syoma na kuti Leza inga wakubamba kuba kabotu, munene? Ula cita na? Obikkide janza lyako mbuli *obu*, sa ula syoma kuti Leza ula kuponya ku kufundilila oko kwabulowa kwiindilide? Konyamuna janza lyako mujulu, ikuti na ula Ci syoma. Ncibotu, Ula cicita. Nsena mubona mwaalumi mu buumi bwangu, Nse zyi kujatikizya nguwe. Pele wa kamvwa kuti Jesu wakati, omu mu Bbaibebe, kuti Uyo cita zintu ezi, lino mwacibona! Sa mwabona Nce pandulula? "Ikuti na mula konzya kusyoma, zintu zyonse zila konzeka." Biyo kuli baabo basyoma! Ci tola lusyomo, Iwini nconzyo kucicita. Pele ikuti na mula konzya ku Ci syoma, Leza ula cipa.

²¹⁷ Ngooyo mulindu ukkede nkoonya kusule okuya, undi langide, ujisi cibozu mu kameneno kakwe.

²¹⁸ Mulindu uukkede munsi, uukkede munsi lyakwe, kutegwa amvwisyey, kuti mulindu ulya ujisi kufundilila kwabulowa kwiindilide, awalo. Mbo mbubo.

²¹⁹ Mulindu uukkede munsi lyakwe, walo ujisi ii—ii penzi, awalo. Alimwi ta zwi kokuno, uzwa ku Arkansas. Ba ciimpya. Muka Phillips, syoma Mwami Jesu Kristo a kuponesegwa! Sena ula Mu syoma? A moyo wako oonse? Wa Ci zumina? Mbubo. Mpawo inga wa citambula.

Lino mwati, "Ayo maseseke." Peepe! Peepe!

²²⁰ Jesu wakati, "Zina lyako ngu Simooni, uli mwana wa Jonasi." Sa mbo mbubo?

²²¹ "Nda ka Kumvwa a matwi angu, lino Nda Ku bona a meso angu." Lino sa tamuboni eco cacitika? Umwi ukkede alya, kalangide, kasyoma, kazumina, elyo mpoonya biyo nceeco cacitika. Mwabona?

²²² Ulimvwa kabotu, musankwa, sunumasiku, kwiinda mbo kacita busiku bwainda? Kokkede? Kuli kabotu lino, ulaba kabotu (uh-huh). wakali kkede busiku bwainda, kauma mutwe wakwe zintuzyonse zimbi; lino sunumasiku, uboneka mbuli

mulombwana uusitikide. Mwabona? Wa kali nyongene aniini kujatikizya zintu, pele zyoonse zyalulamikwa lino. Mwabona? Kuyooba kabotu. Mwabona? “Elyo mu buzuba obo, Mwana wa muntu uno yubununwa, mwabona, kaitana biyo kuumpwa Sodoma.”

²²³ “Nda ka Kumvwa a matwi angu lino Nda Ku bona a meso angu. Nda kamvwa Jesu Kristo kaamba kuti Wa kasyomezya ceeeo, Nda cibona cisyomezyo eco kacipona ndyoonya lino.” Mwabona? “Nda ka Kumvwa a matwi angu, lino Nda Ku bona a meso angu.” Mbangaye basyoma Obo kuba Nguwe? (O Leza!)

²²⁴ Lino, kuciindi notuli ano...ciindi ciyabumana. Juunza masiku tu yooba a mulimo wakuponya mupati. Tu langila Mukwesu Moore a Mebo kwima awa a kukombela muntu oonse oyo uyanda kusika kwiinda mu mundando. Pele Nda yeeya kuti mu kukanana eci sunumasiku, Ndiyo bamba lwiito lwa ku cipaililo. Pele mpawo Nda yeeya, “peepe,” Ca amba awo, “Nda ka Kumvwa a matwi, lino Ndi yanda ku Kubona a meso angu.” Lino Mpali ano. Sena mula syoma obo?

²²⁵ Lino atu bikke maanza esu atala lya umwi aumwi. Lino, amuyeeye, Walo nguonya wakasyomezya kuti Uyo cita *ceeci*, wakati, “Ezi zitondezyo ziyo batobela abo basyoma.” Sena Wa ka caamba? Sa uli musyomi? Koamba, “Ameni.” Ee, mpawo, Leza nguwenya wakapanga cisyomezyo eci ngo Mu bona kacita buyo lino,... Amubuzye kufumbwa wa bantu abo, Nseno babwene, taakwe ncezyi kujatikizya mbabo. Inga nseba ziba calino pe, mwabona, nciyumu kuli ndime kucita. Pele olo Lugwalo lweelede kuzulizigwa! Ee, ikuti olo lwazulizigwa, citondezya kuti tuli mu ziindi zya kucaalizya, tula ziba kuti Mwana wa muntu uli libambilide kuba...kusika, nkaambo Uli muku liyubununa Mwini mu mibili wabuntensi. Sa mbo mbubo?

²²⁶ Mpawo tula ziba kuti mbwini, a kwaamba kuti uli musyomi ali Nguwe, alimwi mwabikka maanza ali umwi aumwi. Elyo ikuti na maanza abikkwa ali umwi aumbi, oyo Mwana wa Leza ngonya uli waano kubamba *eci* kuba kasimpe ku meso anu, Mwana nguonya uli waano kwaamba kuti, “Bayo ponesegwa!” I Mwana nguonya wa Leza! “Nda kamvwa kuti Wa kati, ‘Ikuti na basyomi babikka maanza abo, bayo ponesegwa.’ Nda ka cimvwa a matwi angu, lino ndilekele kucibona ameso angu. Wa ka cisyomezya.”

Lino kuciindi Ne paila, amu paile.

²²⁷ Mwami Jesu, mu Zina lya Mwami Leza wa Julu, lekela Muuya wako ulokela mu moyo wa bantu aba; olo lusyomo lwini lwa Leza, luyo simpikizya cisyomezyo eci kuli mbabo. Elyo akube kuti Leza wa Julu aponye umwi aumwi wabo, mbuli mbo batobela milao Yako kwiinda kukubikka maanza ali umwi aumwi. Akube boobo, Mwami. Mu Zina lya Jesu Kristo, kopa kuti cibe boobo, nkambo ka bulemu Bwako.

²²⁸ Lino, sena ula syoma kuti watambula eco ncolomba? Sa cintucimwi mu moyo wako cila kwaambila? Sena ulamvwa kabeela ako kaniini ka bunanike, kati, “Baa, kwa mana! Kwa citwa!”?

²²⁹ I mulao wa Leza wakati inga twa cimvwa a matwi esu, lino inga twa cibona a meso esu. Jobu wakati, “Nda ka Kumvwa kukumva mwa matwi, pele lino Nda Ku bona a meso angu.”

²³⁰ Lino, waka cimvwa ku Ijwi, ku kumvwa Ijwi, “Lusyomo luboola ku kumvwa, kumvwa Ijwi.” Lino wa Ci bona kukutauka, a meso ako! Lino, oyo Leza nguonya wakaamba obo, cindi zintu nizya keelede kucitika, kuti “basyomi ali Ceeci bayo bikka maanza aa baciswa nkabela bayo ponesegwa.” Lino sena bwalokela mu moyo wako cakuti wa “ponesegwa”? Amu tambike maanza anu ikuti na cacita. Ameni! Oko nkuponesegwa kwini kwa cipostolo. Sa ncoamba? Ula Ci syoma na a moyo wako oonse? Aleluya! Nkukoonse nko tuyanda.

Atwi imikile ku matende esu aku Mu lumbaizya, kai.

²³¹ Ndaku Lumba, Mwami Jesu. Lilelekwa Zina ly a Mwami.

Njo Mu lumbaizya! Njo Mu lumbaizya!
Amulumbaizye Kabelele wakajailwa basizibi;
Amu Mu pe bulemu, nywebo nyoonse no bantu,
Nkambo Bulowa Bwakwe bwasanzya twiimba
toonse.

²³² Lino sena mula Mu syoma? Lino atu, toonse antoomwe, ku Mu pa bulemu, nyoonse nobantu. Lino, amulange, ikuti na eco cayubununwa kuli ndinywe kwiinda kuli Leza, mu nzila eyo eyo moka futulwa, nzila njoinya ya kwaambila kuti “waka futulwa,” nzila njoinya Leza mwa keendela, mbuli Mbwa kacita kwiinda kuli Jobu a basinsimi, We enda muli nduwe kwiinda mu nzila eyo mbuli Munakristo, kwinda ku ciyubunuzyo Cakwe ca Buleza kuti “wa ponesegwa,” nkokuti kwiina cintu ciyo cilesya kucitika.

Aboobo twa Mu pa bulemu, nyoonse nobantu,
Nkambo Bulowa Bwakwe bwakanzya
acimwi... (Koonse kuzumbauzya; kusanzya
koonse kuzumbauzya.)

Njo Mu lumbaizya! Njo Mu lumbaizya!
Amulumbaizye Kabelele wakajailwa sizibi;
Amu Mu pe bulemu, nyoonse nobantu,
Nkambo Bulowa Bwakwe bwasanzya twiimba
toonse.

²³³ Oh, sena mula Mu yanda? Aah, mbocili cibotuloko. “Nda ka Kumvwa, Mwami, a matwi angu, alimwi lusyomo luboola ku kumvwa; pele lino Nda Ku bona, Leza kaliyubununa Mwini akati ka bantu Bakwe mbuli Mbwa kacita kuli Abrahamu, kwiinda ku cisomezyo Cakwe awa kuti Mwana wa muntu uyo

liyubununa Mwini ku mazuba ayo cindi inyika yaakuba mu ciimo ca Sodoma.”

²³⁴ Elyo kwaali batumwa botatwe bakaunka, kuseluka kuzwa ku Julu.

²³⁵ Elyo kwakali nkamu zyatubungwe kumusanza mu Sodoma, nkabela Billy Graham a Oral Roberts bakaunka okuya kumusanza. Elyo amuyeeye mbuli Mbwe kamwaambila, takukwe mu makani aa mbungano nikwakasola kuba mutumwa koonse ku mbungano, kusila lino, a zina lyakwe kalimana mbuli Abrahamu, h-a-m. G-r-a-h-a-m, tubala tuli cisambomwe, ku inyika, mweelwe wa muntu.

²³⁶ Pele Abrahamu waka jisi tubala tuli cisambomwe mu zina, mweelwe wa Leza ulondokede akumaninina. Mwabona?

²³⁷ Elyo amubone cintu batumwa ncoba kacita niba kainka omuya: bakakambauka Ijwi, bakabaita kuzwa, akubaambila kweempwa.

²³⁸ Pele Umwi Oyo waka syaala a Abrahamu, mwabona, wakacita maleele kwiinda ku kwaambila Abrahamu cintu Sara ncakali kucita a kuyeyya mu tente kunze Lyakwe. Elyo Jesu, Oyo wakali Umwi mu Muntu oyu, kati, “Cindi inyika yaakuba mu ciimo ca Sodoma, mbuli mboya kabede kaindi, Mwana wa munty uyo yubununwa alubo.” Alimwi oonse Magwalo ambi kasimpikizya kuba boobo. I... “Ku matalikilo kwakali i” [Mbunga yaamba, “Ijwi,”—Mul.] “nkabela Ijwi lyakali a” [“Leza,”] “alimwi Ijwi lyakali” [“Leza.”] “Elyo Ijwi lyakaba mibili wabantu a kukkala akati kesu.” Sa mbo mbubo? Lino tula bona eelyo Ijwi ndilyonya lyaka syomezegwa, lya Luka, lya Malaki, zyoonse ezi zisyomezyo zimbi kuzwida sunu, zyaba mu mibili wabantu, kukkala akati kesu, nzo twa kamvwa a matwi esu; lino twa Mu bona (a meso esu) kapandulula Ijwi Lyakwe Mwini, ta tuyandikani bupanduluzi bumwi bwa muntu. O Mbungano ya Leza muumi, okuno a ku mafooni, sinsimuka cakufwambaana, ciindi kacitana mana! Leza amu longezye.

Nda Mu yanda, Nda Mu yanda
 Nkaambo Wa kasaanguna kundi yanda,
 A kuula lufutuko lwangu
 Aa csamu ca Kalivari.

²³⁹ Sa inga wayeeya, ombungano, kuti ulalanga a meso ako eni... I Ijwi lipona lya Leza lya yubululwa, cisyomezyo caora, ku mazuba akumamanino, kolangide a meso ako eni ku Ijwi lipona kalipandululwa mu ciwa cakunyama, Leza akati kesu! “Nda Mu bona a meso angu eni, Umwi... Nda kamvwa kuti Uyo cicita.” Boonse basongo bakale bakalangila buzuba obu, lino twa Li bona kalyubululwa a meso esu eni. Mbangaye ba Methodisti, Baptisti boongolola bakale, aba pentekoste, beini mu bukkalo bwabo, basukamina eci kicitika! Bunji bwabo bakalizi kuti

cakali kuyocitika. Pele twa ima sunumasiku kucibona cacicitika! Oh! Sena ta Mu muyandi?

²⁴⁰ Lino, Jesu wakati, “Eci bantu boonse bayo ziba kuti muli basikwiiya Bangu, cindi mwa kuyandana.” Mbubnya mbuli mbotu Mu yanda, atu sukane maanza amwi aumbi a kwiimba *Njo Mu Lumbaizya!* *Njo Mu Lumbaizya!* Ncibotu.

Njo Mu lumbaizya! Njo Mu lumbaizya!
Oh amulumbaizye Kabelele wakajailwa sizibi;
Amu Mu pe bulemu, nyoonse... (Mu cita
buti?) ... nobantu
Nkambo Bulowa Bwakwe bwasanzya twiimba
toonse.

²⁴¹ Ino ncinzi namalelo wa Betisezala nca kaamba kumbele ly a mwaami busiku obo? “Kuli muntu mu bwami bwako oyo uzimaazya kuzumbauzya.” Elyo Muuya Uusalala, sunumasiku, ngu Sikuzimaazya kuzumbauzya! Sena mula syoma obo? (Uyanda nzi? Oh, kuli kabotu.) I Sikuzimaazya kuzumbauzya! Lino, Bulowa bwa Kristo bulagwisya akamwi kaimba, kaimba ka kuzumbauzya. Takukwe cibi cipati maningi mu inyika ciinda kutasyoma, “Nkambo oyo uuta syomi, wazulwa kale!” Sa mbo mbubo? “Oyo uuta syomi wazulwa.” Kuli cibi comwe biyo, nkabela eco nca kutasyoma. Kufweba tacili cibi, kusinganya tacili cibi, kucita mamambi tacili cibi, kubeja tacili cibi; eco tacili cibi, eyo micelo ya kutasyoma. Kutasyoma! Ula cicita nkaambo to syomi. Ikuti na ula Ci syoma, to ciciti.

²⁴² Oh! Oh! Ino... Ncibotuloko! Alimwi Bulowa bwa Kabelele bwaka sanzya kuzumbauzya koonse. Tula syoma Ijwi Lyakwe, cawkwambilisisya. Tula syoma kuti Ijwi lyakaba mu mubili wabantu. Alimwi tula syoma kuti Ijwi *lyaba* mu mubili wabantu ku kusimpikizya Busyu Bwakwe lino ku kutondezya Ijwi Lyakwe. Sena mula Ci syoma? Leza amu longezye.

²⁴³ Tu langila kuyo mubona omuno cifumo, ku ciindi cipati mu Mwami. Amukotamike mitwe yanu lino, nkabela Nda pa kuswaangana ku Mukwesu Lindsay.



NDA KAMVWA PELE LINO NDA BONA TNG65-1127E
(I Have Heard But Now I See)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Vumbipati 27, 1965, ku Life Tabernacle mu Shreveport, Louisiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org